



# DE REBVS PERVANIS, R<sup>di</sup>.

P. DIEGHI DE TORRES, SO-  
CIETATIS IESV PRESBYTE.


ri Commentarius, à Ioanne Hayo  
Dalgattiensi Scoto eiusdem  
Societatis ex Italo in La-  
tinum conuersus.



ANTVERPIAE,

Ex Officina Typographica Martini  
Nutij, ad intersigne duarum Ciconiarū,  
M. DC. II. III.







# ADMODVM R<sup>dis</sup> IN

CHRISTO PATRIBVS ET DO-  
minis, Dom. Iacobo Cadet, Carthusianorum in  
Prouincia Francia visitatori, & domus B. Ma-  
riae de Bourgfontaine Priori, Dom. Nicolao de  
Giroys, Dom. Adamo Oger, Dom. Ioanni Bene-  
dicto, Dom. Richardo Beau cousin, & Dom. Ioā-  
ni Bucherō, Prioribus Ordinis Carthusianorū,  
Ioannes Hayus in Christo Domino salutem.



Rdinis vestri Religiosi, Societa-  
tis nostrae parentem, immo ip-  
sam nascentem Societatē, sum-  
ma complexi sunt beneuolen-  
tia: vos verò, eandem de sociis  
bene merendi viā ingressi, eos,  
quibus potuistis officiis, vel perturbatissimis tē-  
poribus prosequi non destitistis; cuius rei ego sum  
testis, tot siquidem taliaq, in me contulistis bene-  
ficia, ut gratia à me tanta vobis referri non pos-  
sit, quanta debetur. Cùm ergo ad remunerādum,  
prater voluntatē, mihi suppetat nihil, & homi-  
nis sit non ingrati, acceptorum retinere beneficio-  
rum memoriam, non alienum à mea erga vos ob-  
seruantia sum arbitratus, ad vos mitterē de rebus  
Peruanis commentarium, superiore anno à Diego  
de Torres, Peruanæ prouinciae in urbē misso Pro-



#### 4 EPISTOLA DEDICATORIA.

curatore scriptum, quem nunc Latinum, tanquā  
mei in vos studiij singularis perpetuum testem, lu-  
benter (ut mihi persuadeo) legetis. Vos porro si  
rogarem, ut sociorum, in excolenda Christi Do-  
mini apud Peruanos vinea, labores vestris ad Deū  
precibus promoueretis, de vestra mihi multis re-  
bus perspecta pietate dubitare viderer. Me itaq;  
continebo. & epistolam concludam, Deum rogans,  
ut vos cum cætu optimorum Religiosorum, qui-  
bus præstis, incolumes conseruet. Vestris oratio-  
nibus me etiā atque etiam commendo. Antuerpia,  
ex Collegio Societatis IESV, M. DC. IIII.

Obsequentissimus in Christo seruus,  
Ioannes Hayus.

Re-





Egnum Peruanum, quod mari Cartagena Chilā vsque milibus passuum 4500 seu leucis 1500 patet, & terra totidem à sancta Maria ad Paraguai, Coronæque Hispaniensi hoc tempore patet, in varias est provincias distributū. Incolæ, propter maximam qua fruuntur, cœli temperationem, diutius quàm Europæi in vita, minusq; morbis obnoxij persistunt. In littore maris Australis nunquam pluit. Quinque aut sex anni mensibus decidit nocturno tempore densus ros, qui ad multum diem durat, quo terra illa, simul & fluminum torrentiumque, qui ex montibus fluunt, irrigatione, adeò fœcunda redditur, vt pro mensura vna seminis, cuius magnus est illis in locis vsus, Maiz nomine, quam excipit, ducentas & nonnunquam trecentas reddat. In agro ciuitatis Aricas, vbi non suppetit siue roris siue irrigationis aquarum copia, admirabili quadam ratione Deus hominum commodis prospexit, nam ad maris litus ingens halecum vis, quo tempore fit semētis, confluit, quæ magno sunt agricolis vsui: singulis enim capitibus à corporibus diuulsis, imponuntur singula grana Maiz, ac sic in terra defossa, vberremos messis tempore reddunt fru-



ctus: corporibus verò eorundem piscium conjunctis cum auium maritarum cadaueribus, quorum ibidem maximus est numerus, sterco-  
rari consueuerunt agri, qui hac ratione nō mi-  
nus foecundi & fertiles redduntur, quàm si a-  
qua irrigarentur.

Totum hoc maris littus magnam fert copiā  
Oliuarum & vitum. In Ica vuæ sunt magnitu-  
dine mirabili, adeò vt ex vno racemo Perua-  
no maior copia vini exprimatur, quàm ex duo-  
bus tribúsve Europeis. Sunt porrò vina suauis-  
sima, perfectam siquidem ex coeli temperatio-  
ne consequuntur maturitatem, quæ per vni-  
uersum regnum Peru, partim mari partimque  
terra, deuehuntur. Veruecibus magnis, quorum  
duo onus muli ferunt, imponuntur clitellæ, nō  
modò ad deuehendum vinum, sed & argentū,  
aliisque metalla ex venis ad mare. Vini pretium  
partim ex ipsius bonitate & partim ex longin-  
quitate loci ad quem portatur pendet. In Po-  
tosi medius cadus emitur quindecim aut 18 au-  
reis nummis, in Tucuman 50. in sancta Cruce  
della Serra 90. aut centum. Tanta est Peruana  
temperies, vt non sit opus calefaciendi se causa  
ad ignem accedere aut vestem mutare, quod  
locum maximè habet in Chito regione, quæ  
in mediæ cœli plagæ subjicitur, vbi perpetuus vi-  
detur



detur esse Aprilis. Cæterum in locis montanis non est perpetua hæc temperies, nam vno eodemque die augetur & minuitur, cum calor tum frigus, ratione situs loci; quo enim propius à montis vertice quispiam abest, eo frigidius sentit cælum, quo verò longius, remissiora percipit frigora. Atque hinc ortum scimus, quòd cum arbores vno in loco florere incipiunt, in alio maturos habeant fructus, imò quod est magis mirum, in eadem arbore deprehenduntur fructus maturi simul & flores. De Prouinciis montanis, nimirum sanctæ Mariæ, & Potosi vniuersè dici potest eas in cœlo esse temperato, steriles nihilominus, cum nullum ipsæ fructum producant, præter radices, quæ sapiunt castaneas, quibusque pauperes vescuntur; quod amplius est, in agris, qui patent quingentis passuum millibus, arbor nulla reperitur, maximè in Prouinciis Tucumã & Paraguai, & in planitie 600 millium nullus omnino est lapis, imò ne lapillus quidem. Non desunt in variis regni Peruanici locis venæ, in quibus est Argenti abundantia, nam vna illa Potosi, 40 annorum spatio, trecentos dedit Millionses, vt ex tabulis regis constat. Sunt item optimi auri venæ, & in nouo regno Granadæ Smaragdi, in insula Margarita nomine piscatus vnionum; sunt & aliqui



terræ hiatus, quos author Itala lingua appellat Vulcani, ex quorum exhalationibus magnum vicini populi contraxerunt damnum, ex hiatu qui est prope Chito exit vapor, cuius calor ab iis percipitur, qui 25 aut 30 passuum millibus absunt. De Cauerna illa, quæ abhinc trienniū in agro vr̄bis Arechipa patefactis faucibus disrupta est, cū aliās non pauca sint scripta, in præsens tria aut quatuor tantū quæ vidi admiranda commemorabo: ac primū; Tam copiosè & abundanter arenas euomuit, vt ipsarum tenebræ regionem omnem obscurarint, nam aliquot diebus in ipsa etiam meridie coacti lucernas incendimus, tanta erat ex arenæ abundātia caligo, vt perpetua videretur nox. Arenæ verò copia fidem omnem superat. In vr̄be siquidem Salta, quæ est in Tucuman, & abest quingentis passuum millibus Arechipa, existit magnus rapidusque arenæ torrens, qui vastitatem cū vineis tum duarum conuallium arboribus effecit, vt damnum, quod inde acceperunt incolæ, milione auri resarciri non possit. Cū verò disrumperetur cauerna, tantus extirrit sonitus, vt omni ex parte ab iis, qui sexcentis passuum millibus aberant, non minus audiretur, quàm ab Arechipæ ciuibz, qui eodem tempore in vr̄be commorabantur. Habet

Perua.



Peruana regio multa admiranda, exempli causa in Guancabeleca fontem, cuius aqua in terrā decidens in lapidem mox conuertitur: Prope Potosi in prouincia Cossopis insulam, cui lacus frigidissimus, ex quo fluit aqua feruens. Huius generis varia narrat P. Acoſta in ſuo libro de natura noui orbis.

Optima ſunt Peruani natura & quieta, cū injurioſius etiam nulla ſua culpa tractantur, patienti animo verbisq̃ue bonis aliorum improbitatem retundunt: dicunt enim, Hochaimi Vu anaſaem, hoc eſt, Domine culpam agnoſco, me ipſe corrigam. Rariſſima ſunt ipſorum diſſidia, & vix vnquā ſe mutuis plagis aut cruentant aut interimunt: at nō propterea iudicandi ſunt imbelles, nam robuſto ſunt animo, & corpore valent. In regno Chila, incolæ Aranco his quinquaginta annis cum Hiſpanis belligerarunt, & nonnunquam in ſingulari certamine euaserunt victores. Sunt item nationes varia, propter mare, quod ad Septentrionē vergit, quas haſtenus Hiſpani non potuerunt domare, quæq̃ue in Gentiliſmi tenebris miſerrimam degunt vitam. Sunt præterea Peruani in diuitiarum affluentia pauperrimi, nam eas non quærunt, imò ne expetunt quidem, contenti cibo cōmuni, quem terra ſuppeditat, veſti-



tuque vili ex sacco tecti siue manicis, qui ad virorum pertingit genua, ad feminarum verò pedes; brachia tegunt pallio forma quadrata, quo ad alia multa vti consueuerunt, ipsorum cubile est terra stramine vestita. Domos habent paruas, quarum ostia nulla habent claustra, quæ clauē aperiuntur, quæque adeò sunt humilia & angusta, vt per ea difficilis sit in ipsas ædes ingressio: In eiusmodi paruis & angustis locis suppellectilem suam concludunt omnem. Conuallium incolæ viuunt Mais, cum elixotum asso. Montani verò vescuntur radice, quæ sapore à castanea non differt: horum omnium obsonium est creta cū sale & aqua permixta. Qui huiusmodi viuunt vitam, locum in quo consistant Superbia, Inuidia, & Auaritia apud se relinquunt nullum. Otium porrò & desidia à Peruanis exulant, & ne Iuuentus delicatè ac moliter viuat, puerulorum, cum primùm per teneram ætatem absque alieno subsidio ingredi possunt, humeris alligantur onera, quæ vsque ad certam ætatem statis temporibus augentur, & nunquam remouentur. Cum viri tum feminae nō alia ratione quā pedibus iter faciunt, imò feminae inter ambulandum consueuerunt ligna portare, aut alias reculas, simul & infantes suos in cunis, nec propter itineris laborem



fila nere desistunt, vescuntur potione non ab-  
simili cereuisiæ, maximè cùm dies festos agunt.  
In certis regnis, apud aliquos minùs instructos  
Christianæ religionis disciplina, regnat ebrie-  
tas; at tetrum hoc gutturis vitiũ, qui se in reli-  
giosorum hominum disciplinam tradiderunt,  
omnino aspernantur. Sunt porrò Peruani na-  
turæ donis multis in rebus habiles, nam labore  
non magno temporeque breui legere discunt  
& canere, musicisque instrumentis scienter v-  
ti: Musici euadunt præclari, & hinc factum, vt  
Christianorum templa canentibus Peruanis ex  
magna vocum musicorumque instrumento-  
rum concordia gratissimo sono compleantur.  
Christianam doctrinam facilè percipiunt, eam-  
que memoriæ commendatam obliuioni nō  
tradunt, & qui semel diligenter imbiberunt, ad  
Deorum cultum non ampliùs redeunt, immo  
fidem Regi datam studiosè seruant, à Gentili-  
bus quippe suis prouocati, vt à debita Maiestati  
Catholicæ obedientia deficerent, semper con-  
stantes in officio permanserunt: cuius rei fa-  
ctum est periculum in defectione Chitensi, de  
qua infrà dicendum est. Christianorum Perua-  
norum numerus est 3. Millionum, qui omnes  
in duos Archiepiscopatus & duodecim Epi-  
scopatus sunt distributi. Singuli prope Episco-  
patus



patus ingentia terræ spatia complectuntur, nimirum ad sexcenta passuum millia, quibus parent trecenta circiter municipia, quæ proprios habent Pastores, non loquor de villis multis prædiisque Hispanorum, in quibus excolendis occupantur innumeri Indi, destituti doctrina Christiana, aliisque ad beatam vitam quæ ducunt præsidiiis. Quorum cura est Sacerdotibus quos sæculares appellamus commissa, sed tanta est horum Sacerdotum non curantia, ut planè miserum populum suæ fidei commissum negligant; est quidem ipsis abundè prospectum de agrorum fructibus & honoribus ecclesiasticis, non alia de causa, quàm ut omnes ingenij industriæq; suæ neruos in erudiendis Christianæ doctrinæ rudibus ignarisque intenderet: At vernaculā linguam Indorum discere nō laborant, & morum suorum improbitate multos à virtutis studio deterrent; quæ sua sunt quærunt, nō autem quæ Christi; nō enim alia de causa onus hoc gubernādi alios suscipiunt, quàm ut diuitias, cū ad vsus vitæ necessarios tum ad perfruendas voluptates, consequantur. Non inficior, & ipsos Indos suæ inferre salutis moram & impedimentum, cū in fidei rebus sunt hospites plerique omnes, modò illos excipiamus, quos Religiosi probi Dei que amore incensi ad Christianæ



stianæ religionis instituta erudierunt. Consuevit rex Catholicus, pro sua erga Deum pietate, certis temporibus religiosorum virorum habere delectum, vt Euangelicæ legis doctores ad Peruanos mittantur, qui pro dignitate hoc onus sustineant, quorum singulis regia Maiestas viaticum dat quingentorum nummorum aureorum, atque abundè vt omnia quæ ad vitam transigendam eis sunt necessaria suppetant, vbi ad sedes stabiles domiciliaq; certa perueniunt, diligenter curat. Cæterùm hætenus magna fuit eorum paucitas, qui hanc Domini vineã diligēter excoluerunt, & nihilominus veri pij Christiana charitate ardentes, quãuis reconditarum doctrinarũ studijs sint leuiter tincti, vberremos laborum suorum apud Peruanos fructus capere possunt; imò si vel mediocrem linguæ Peruanæ cognitionem fuerint assecuti, & charitate flagrâtes in studium erudiendi populum diligenter incubuerint, non dubitarem quin maiorem hominum numerum ad Christiana sacra adducerent, (tanta est Peruanorum ad virtutem propensio) quàm apud alias gentes facerent summi concionatores & doctores maximarum artium disciplinis expoliti. In regno hoc duæ sunt linguæ, quæ latissimè patent, quarum notitiam facilem esse experientia docuit.



cuit, cū ex patribus nostris aliqui vnus mensis studio in illis eos fecerint progressus, vt Christianos peccata sua confitentes optimè intelligerent, & bimestri labore verba ad populum de fidei rebus facientes à cōcione tota magna cum voluptate & fructu non exiguo intelligerentur. Sed & ego, qui variis occupationibus distinebar, & minore charitate erga proximorū salutē, quā socij alij, flagrabā, vtriusque linguæ sum eam affecutus cognitionem, vt aures mihi confitentibus peccata sua Peruanis dederim, & nuper Romæ curauimus typis excudi Grammaticam linguæ Aimara, quam composuit pater Italus, & in lingua in quas excusi sunt Catechismus & doctrina Christiana, primi que libri dati sunt S. D. N. Religiosi Societatis per vniuersam Peruanam prouinciā, à Carthagena ad Chilam & Paraguai, dispersi sunt, in octo Collegiis, vno nouitiatu, 7 domiciliis, quæ residentia passim vocantur, duobusque Hispanorum seminariis: In Carthagena verò & nouo regno Granatēsi duo hoc tēpore instituuntur domicilia, & datur opera vt seminaria tria nobilium Indorum exadificentur. His omnibus in locis occupantur socij in tradendis honestis liberalibusque disciplinis, Hispanorum filiis, in concionibus ad populum habendis, in  
admi-



administratione sacramentorum Eucharistiæ & Pœnitentiæ, in procuranda salute eorum, qui in custodiis propter scelera sua aut æs alienum detinentur, & in iis adiuuandis, qui morbis afflictati in domos hospitales, vbi aluntur, aliorū liberalitate se receperunt. In Collegiis porrò sunt beatæ Virginis sodalitia, ex quibus magnus ad quàm-plurimos redundat fructus: nam sodales non modò in virtutibus magnos faciunt progressus, verùm & alios suo exemplo ad omnem honestatem alliciunt. Inter alia quæ erga sodales exercent socij opera, nihil esse recitatione facti alicuius præclari ipsius B. V. aut Sancti alterius fructuosius experiētia nos docuit, quod à sociis diligenter sit diebus festis horis pomeridianis. In vrbe Potosi (vbi maior est hominum quàm aliis in terris viuendi licentia) hac utilissima occupatione commemorādi illustria sanctorum virorū gesta, inducti sunt amplius 70. viri honorati, vt in rerum coelestium meditatione se exercerēt, ex quibus 30 partim ad nostram partim ad alias religiosorum familias à mundi huius curis liberi se adiunxerunt: In hac vitæ commutatione acciderunt multa commemoratione digna, sed vnum tantum hoc loco persequar: Opulentus & honoratus ciuis, fortunas suas, amplas sanè, ad pauperum vsus locorum.



corumque, in quibus Deus piè colitur, com-  
moda dedit, & præterea centum triginta aureo-  
rum millia, quæ apud se habebat, pauperibus  
numeratò distribuit, quo factò in sociorum est  
cooptatus numerum: In eum ad carceres dese-  
rentem aquam incidit adolescens mercator, qui  
hoc nouitij nostri factò permotus, ad Societatē  
animū continuò appulit: Sed re perficere, quod  
animo constituerat, procrastinabat: petere nā-  
que à Societatis Praefectis vt ad eorum viuendi  
institutum admitteretur differrebat. In hac pro-  
crastinatione, cū Gersonis seu veriùs Thomæ à  
Campis libellum de imitatione Christi aperi-  
ret, primo aspectu in illa verba incidit: Quis scis  
an crastinum habebis? Quorum lectio sic eum  
permouit, vt continuò tabernæ curā Indo pue-  
ro, quem apud se habebat, demandarit, & semi-  
nudus sine pileo (quarta erat noctis hora, & se  
ad dormiendum comparabat) ad Collegium  
nostrum festinanter accurrit: Intromissus ad  
patris Rectoris pedes se abiecit, remq; omnem  
ordine narrauit, rogans vt in Societatem recipe-  
retur: persuasit ei pater Rector, vt octiduum ad  
deliberandum caperet, negotiumque hoc Deo  
præpotenti commendaret: post hoc dies octo  
(quibus Collegio exire recusauit) in sociorū  
numerum est aggregatus, & intra spatium tri-  
mestris



meſtre animam efflauit, cū a ger Deum ardē-  
 ter ſupplicibus antea verbis rogaffet, vt antea-  
 tæ vitæ peccata condonaret, ſeque ex huius  
 mundi miſeriis ad beatam vitam euocaret: Cū  
 Indis occupantur noſtri viiliter ſanè: agrorum,  
 qui noſtram petunt operam (pauci reperiun-  
 tur qui eam non expetunt) cōfeſſiones audiun-  
 tur, quibus miniſtramus Euchariftiæ & extre-  
 mæ vnctionis Sacramenta, modò idoneos ſatis  
 eos reperiamus, quibus cœleſtia hæc beneficia  
 tribuantur; & præterea eiſdem de iis, quæ ad vi-  
 ctum & medicamenta ſpectant, pro noſtra te-  
 nuitate proſpicimus. Quotidie manè & veſpe-  
 ri Sacerdotes, linguæ Indæ intelligētes, in tem-  
 plis noſtris præſtò ſunt, vt Indos peccata ſua  
 confitentes audiant. Cunctis diebus feſtis, cū  
 matutino tum veſpertino tempore, ad eoſdem  
 Indos à noſtris conciones habentur, in Aduen-  
 tu verò & Quadrageſima, ter intra Hebdoma-  
 dam, quibus diebus ad veſperam recitatur præ-  
 clarum alicuius viri ſancti factum, vt ab omni-  
 bus intelligi poſſit; vbi loquendi finem fecerit  
 ſocius, Indi terga ſua acriter verberant, quo do-  
 lorum, quos pro nobis Chriſtus Dominus tu-  
 lit, memoriam excitent, & peccatis ſuis debitas  
 pænas perſoluant. Peractis ieiunij ſtati quadra-  
 ginta diebus, excurrunt ſocij in omnem vicini-  
 B tatem,



tatem, idque rogantibus cum Episcopis tum Parochis, qui re ipsa edocti, magnum ex hac sociorum peregrinatione ad multos prouenire commodum, ipsis non modò omnem, quam possunt, impertiuntur docendi ministrandi que Sacramenta facultatem, verum liberaliter pecuniam committunt, qua Indorum paupertati succurrant, & quæ ad pietatem ipsorum promouendam vtilia iudicarint cõemant: Magna itaque cum lætitia excipiuntur socij, cum à Parochis, tum à rusticis. Solent ferè Sacerdotes à prima luce ad vespèram, cum in pagis versantur, occupari in audiendis iis qui peccata sua confitentur, & quotidie de fidei rebus verba facere. Passim reperiuntur viri, qui baptismo nunquam fuere tincti, idque aut parentum suorum negligentia, aut quia loca incolunt montana, quæ procul à parochorum domiciliis absunt. Non pauci sunt qui, nostrorum adhortatione sædam libidinem deferentes, casti matrimonii legibus se deuinxerunt. His & id genus caritatis operibus cum nostri, tum aliorum Ordinum religiosi, Peruanorum sibi cõciliant beneuolentiam, quo faciliùs ad Christianam eos religionem alliciant.

In omnibus Collegiis domiciliisque (quæ v. supra dixi residentie nominantur) sunt Indorum  
soda.



sodalitates, quæ magno sunt vsui ad procurandas gentilium suorum salutem res necessarias: frequentant enim sodales templa nostra, in quibus magno cum pietatis sensu, cum confessione peccata sua expiant, tum sanctissimo Eucharistiæ Sacramento animi vires contra vitia firmanant, augentq; quos morbis affligi sciunt, aut carceribus detineri, quibus possunt modis consolantur, & nō solū hospitales domus adeunt, verū & priuatorum hominum ædes, vbi sæpius pernoctant, vt morientibus opem quam possunt omnem, maximè iis in rebus, quæ spectant ad animi salutem, ferant; & denique, vt paucis multa complectar, sodales in omni opere pio se strenuè, & vt viros Christianæ religionis obseruantes decet, exercere nō cessant. Sodalium numero adscribuntur cæci pauperes, quorum vitam aliorum liberalitas sustentat, qui in templorum nostrorum ianua rudem populum docent doctrinam Christianam, modumque peccata ritu Christiano confitendi: cum Socii in pagos & villas excurrunt, itineris laborisque comites habent hos cæcos, qui ab adolescentibus per manus ducuntur: simul mittuntur bini patres cum totidem cæcis, qui in pagis & villis idem pietatis officium erga rusticos exercent, quod mercatoribus & opificibus præstare con-



sueuerunt, cùm in vrbibus commorantur. Cæcorum labor est rusticis cùm gratus tum vtilis, cuius rei ceruissimum est testimonium magnæ plebeiorem hominum erga cæcos beneuolentia cum munusculis liberaliter datis coniuncta. Omnes cupiunt ipsorum consuetudine in domibus suis frui, quo melius doctrinæ Christianæ præcepta imbibant, & rationem sacerdotibus confitendi peccata sua percipiant.

In Collegiorum aliorumque domiciliorum nostrorum porticibus Indi pauperes stipem à nobis accipiunt, & in Potosi certa sunt vectigalia hanc ob causam Collegio data, quare in diebus singulos nostri alunt ad ducentos pauperes, & nonnunquam ad trecentos, qui numerus non facillè minuetur, cùm in hac vrbe numerentur Indorum peregrinorum centum millia: in locis illis quibus nostri præsent, vt in Giuli & in S. Iacobo, sunt hospitales domus, & scholæ in quibus quotidie erudiuntur Indi in fidei Christianæ doctrina: quorū tenuitatem liberaliùs quàm aliis in locis fieri cōsuevit, sustentamus: nam diebus dominicis & festis ad ea quæ quotidie amplius sexcentis pauperibus damus, carnes & radices, Papas nomine, quæ Castaneas sapiunt, adiungimus; præter victū quotidianum, quem à nobis accipiunt, damus præterea lanā, qua



qua pannum conficiant, quo se vestiāt, & verueces onerarios, quibus yti poterunt ad victum sibi comparandum. In his & similibus occupationibus distinentur socii; qui nō cessant, cū necessitas postulat, aliorum saluti qua possunt charitate & diligentia succurrere, vt ex iis quæ iam sum scripturus perspicuum existit. Quo anno Pustularum morbus, qui nomen varioli (nouum an obsoletum iudicent per me sermonis vsitati emendatores) à coloris varietate inuenit, vniuersam Peruanam regionem, non secus atque pestilencia peruaferat, mortaliumque milia aliquot ex hoc mundo ad sempiternas sedes migrare coëgerat, certis patribus Societatis impositum fuit onus, morbo laborantibus succurrendi, ex iis porrò quæ cōtigerunt in vrbe Cuzco, vbi tunc commorabar, poterit lector Iudicium de iis ferre, quæ aliis in locis socii præstiterint. Pustulis non affligebantur peregrini, siue Hispani siue alii, qui extra Peruanā prouinciam in lucem fuerant editi, sed soli Peruani & Nigri annos nati circiter 40, simul & Hispanorum filii, qui ad eandē peruenerant ætatem & nati fuerant in Cusco: Inter admiranda illius temporis obseruatum fuit, non antea Nigros & Hispanorum filios in pustularum morbū delapsos, quàm Indi omnes in eum incidissent: &



præterea Indos peregrinos non antea morbum  
sensisse,quàm populares ipsorum qui domi re-  
manserant eiusdē molestiis affligerentur. Mor-  
bi initium fiebat à dolore renum,adeò vt ma-  
nuum pedumque digiti arescerent,totiusque  
corporis cutis mutaretur,simul cum colore,de-  
ciderentque capilli omnes etiam palpebrarum.

Collegij nostri Rector, cùm in platea con-  
ciones haberet, & de hoc morbo nulla esset in  
illis locis suspicio;de officio Christiani homi-  
nis erga ægros frequenter differebat, deque Sa-  
cerdotum Parochorum maximè,quod illis in-  
cumbebat, munere non modò consolandi æ-  
grotos, verùm & ipsis Sacramenta ministran-  
di: vbi ergo præter opinionem suam oblata fuit  
occasio bene merendi de populo periculosè æ-  
grotante,provinciam hanc 120 Societatis sa-  
cerdotibus distribuit,quorum nouem callebāt  
linguam Cuzco,alij verò tres peregrinis lin-  
guis loquebantur. Ipse verò Rector omnium  
primus ad hoc caritatis opus initio morbi, & iā  
nòcturno tempore,est aggressus,quo alij socij  
ex diurno labore se recrearent. Singuli patres  
secum ducebant quatuor aut 5 pueros Indos o-  
nustos variis medicamentis, aromatibus, pane  
nautico,(qui rubidus dicitur) & aqua,conqui-  
sitisq; epulis, quibus dolor,quē pariebat mor-  
bus,



bus, leniretur; deferebatur item oleum sacrum ad eos ritu Christiano vngendos, qui de vita periclitabantur, hunc in modum dies totos & bonam noctis partem insumebant, ad Collegium redeuntēs vt prandio & cæna se reficerent. In porticu Collegij stabat socius sacris non initiatus patria Italus, qui omnibus petentibus, quæ ad mitigandos morbi dolores conducere videbantur, impertiebat; ad trimestre spatium duravit hæc ægrorum cura. Quantus porrò fuerit eorum, qui totius antea actæ vitæ peccata confessionis Sacramento expiarunt, numerus; simul & eorum, qui legitimo sunt matrimonio coniuncti, & à vita impudica ad bonam frugem sunt reducti, sciri facile non potest: cæterum nō est silentio prætereunda diuina erga socios, qui hanc erga homines miseris oppressos charitatem exercuerunt, benignitas: nam eorum animos tanta rerum cælestium affluentia & dulcedine compleuit, vt in summis laboribus nullam corporis defatigationem senserint. Gratissimos se præbuerunt cū ciues Cuzco, tum qui vicina incolunt loca, qui memores accepti beneficij, non vulgari Societatem beneuolentia complectuntur: fecerant certi quidam homines ex duabus principalibus familiis oriundi poëma contra Societatem ipsiusque institutū,



quod præter authorum expectationem in manus hominum venit, vnde non leuia sunt orta incommoda, sed ciuitatis Principes simul & Canonicorum collegium, non secus ac si ipsorum propria ageretur causa, ac Proregem, Senatū iudicum, Episcopum, & inquisitores prauæ doctrinæ litteras dederunt, quibus Societatem ab improborum calumniis vindicabant, & de iniuria calumniatorum Societati illata grauius conqueriebantur. Stultitiæ suæ, poëmatici Auctores, viri alioquin in honore cōstituti, debitas penas magistratui pependerunt, & Societas ab omni infamiæ suspicione libera permansit. Sub idem tempus quo hæc gesta sunt, Sacerdos diuitiis affluēs, sed à bonis moribus inops, multis magnisque à sociis, & imprimis iis, qui Collegium Cuzco incolunt, affectus beneficiis, nominis nostri vexator extitit, quosdam ex sociis, qui de vita exierāt, falsorum testiū vocabus armatus probri in simulās. Collegii Rector hominem in ius vocauit, qui in custodia graui est morbo conflictatus, adeò vt sibi mortē imminere existimaret, quare sceleris sui conscientia cruciatus non antea quiescendum iudicauit, quam à Rectore, ad se in carcerem accersito, delicti veniam impetrarit. Præsente itaque publico Scriba palinodiam cecinit, sociosque

ni

omni infamiae, quam ipsis inurere cogitabat, periculo liberauit: quo facto continuò eum morbus omnis reliquit. Effecit præterea pater Rector, ut iudex in sententia pronuncianda reo, qui grauem erat promeritus panam, benignè fecerit, sociisque cum viuis tum mortuis luculentum innocentiae testimonium dederit. Similia sæpe contingunt improborum hominū in nos odia, quæ propter breuitatis rationem silentio præteribo, vnum tantum commemorare constitui, cuius ego sum testis, nam me præsentē res gesta est, quo Lector intelligat, quàm sint submissiōis animi & patiētiae virtutes homini religioso necessariae, quamque seuerè à Deo castigentur, qui mandatorum diuinorum immemores, religiosique quod subierunt instituti negligentes, cupiditatum suarum habenas remittunt, ut innocentibus inuidiam parent, qui ne hilum quidem proficiunt, cum Deus peccatorum vindex singularem eorum, qui acceptas iniurias non vlciscuntur, curam se habere non obscurè testetur.

Societatis sacerdos, magno hominum concursu & applausu, ad nobilissimam inter Peruanos gentem de fidei rebus verba faciebat, cum ipsius æmulus, à doctrina & iis quæ ad perorandum sunt necessaria optimè instructus, non ta-



men ita moratus, vt doctoris Euangelij vita pos-  
sulat, concionari non intermitteret : hic cū  
videret concionarium suum populum infre-  
quentem, & à maleuolis accepisset conciona-  
torem nostrum (quod tamen falsum erat) sibi  
obtrectasse, tanquā à furiis agigaretur, quatuor  
gladiatoribus stipatus ad Collegium nostrum  
venit, vt cū verbis tum factis æmulum suum  
vlcisceretur, meque, qui tunc Collegio præerā,  
tanquam amicum, à quo non vulgaria accepe-  
rat beneficia, conuentum cupiebat. Cū ipsi  
obuiam prodiissem, dixit se cupere cum con-  
cionatore nostro in meo cubiculo colloqui, cu-  
ius voluntati parendum duxi, accercito ergo  
concionatore nostro, cœpit hospes conciona-  
tor iniurias à patre nostro acceptas conqueri, &  
quamuis firmissimis rationibus omnia quæ  
objiciebantur à patre nostro conuincerentur,  
bonus hic vir ira obcæcatus, quod antea con-  
stituerat, gladiatorum quatuor, quos apud se ha-  
bebat, opera perficere est aggressus. Ira itaque  
inflammatus, patrem his verbis compellauit:  
Hæc & hæc de me passim dicuntur, quorum si  
tu es auctor, es mentitus, tanquam scelestus re-  
ligiosus, & talis ac talis filius: simulque manū  
ficæ, quam occultè portabat, admouit; quod vi-  
dens pater (tametsi natura sit feruentiori) tan-  
quam

quam verus Societatis filius, ad mansuetudinē animique tranquillitatem se composuit, & ad furentis hominis pedes abiectus eos osculari voluit. Quod ego animaduertens, Deo præpotenti, quas potui, gratias agens, patri dixi: Rectè facit Reuerentia vestra, non se loco antea moueat, quàm ipsius pedibus osculū dederit, quod & factum est. Hoc inexpectato patris facto cōsternatus, ille ferro potius quàm Dei verbo armatus concionator se prostrauit, atque ad modum supplicis Societatem tunc sibi primū cognitam asserens, maledictorum suorum veniā petiit, meo iussu concionator noster hominem cum quatuor satellitibus ad Collegij ministrū, vt accepta merenda cum pace dimitterentur, duxit: pudore itaque fractus fuit ferreus ille cōcionator, quem ratio nulla sic vincere potuit, vt peccati sui deformitatem agnoscens, demissè & humiliter de se existimaret: nam bonis illis suis lanistis dixit. Cernite quàm feliciter mihi cesserit, quòd hos homines duriter tractarim, minacique dente eos perterrefecerim. Cæterum hominis indomitam superbiam non multo pòst tempore Deus coërcuit: post biduum enim vana cum concionatore nostro hominem adiui, quo ipsi rationes suggererem, quibus amissam de se apud populum existimationem recuperaret,



ret, is me viso, non sine perturbati animi certissimis indiciis, pater inquit, Deus te huc misit tempore hoc opportuno, vide in cuius rei studiū incumbo, (legebat certi auctoris scripta de irregularitate) quo sine irregularitatis periculo inimicum vlciscar, conatus sum auertere hominem à tam impia cogitatione, & me ad Collegiū recepi, postridie illius diei incidit in morbū, quo intra triduum est extinctus. Ego & cōcionator decumbentem sæpius inuissimus, & cū morbus aliquantulum remississet, vtinam, inquit, eos vlciscar, qui mihi infamiam intulerunt, continuoque animam efflauit.

Redeo ad occasiones quas arripuerunt socii vt Peruanis afflictis opem ferrent: Et quamquam de seditionibus, sociorum opera sedatis, multa commemoratione digna occurrant, cōtentus ero recitatione eorum, quæ contigerunt in populi motu, annis ab hinc paucis in Chito, quo tempore pro Rege Peruanis præerat Marchio Cauuera, gratū fuisse regi Catholico piæ memoriæ sociorum laborem dubium est nullum, cū litteris suis ad patrem Prouincialem, factum nostrorum non solū probarit, verū & pio obsequio cū sibi tum reipublicæ præstito gratias egerit. Res porro hoc est gesta modò: Publicæ pecuniæ vrbs Chito præfectus di-

lapi-

lapidauerat portoria omnia, quæ in sua habuerat potestate, ad imitationem filij prodigi, qui patrimonium suum dissipauerat, ne verò accepti cogeretur rationem reddere, consilium iniit cum quatuor aut 5 sodalibus honesto loco natis, sibi morum improbitate similibus: quorum fuit sententia, vt quo tempore à regiis ministris vectigalia exigenterentur, ipsi ad populum transirent, cui dissuaderent tributorum solutionem, rationibusque bonis, etiam si res postularet, cum vitæ periculo, omnem vim à plebe arcerent, & simul seditionem concitarent contra Præsidem & Senatum regium: quem omnem in Hispanias ad regem amandare constituerant, sibi que vrbis administrationem vsurpare; facti veniam (si qua in re peccatum admitteretur) se non modò posse consequi arbitrabantur, verum à Rege hoc nomine laudandos, quòd urbem à Iudicum tyrannide oppressam liberassent. Hæc perditorum hominum coniuratio vsque eò est progressa, vt agros regios, qui passim Feuda nominantur, aliaque bona factiosi homines inter se distribuèrent. Cùm venisset tempus ad soluenda tributa constitutum, plerique ex populo cùm scirent ærarij Præfectum esse summum quæstorem, audacter negarunt se ministris regiis obtemperaturos, quod indignè ferētes ministri,



nistri, cū ipsum primarium quaestorem, tum ipsius sodales, & in cōiuratione socios peregrinos, comprehendi curarunt, quos tamen timore populi, qui defectionem minitabatur, perculsi, liberos mox abire permiserunt, atque Proregem, qui nongentis aberat passuum milibus, de seditione excitata certiozem fecerunt, qui militum ductorem strenuum misit cum turma eorum, qui inter pugnādum maioribus vtuntur sclopiis, (quos nouo vocabulo Muschetarios appellamus) quo magistratus ciuilis auctoritas contra populi furorē sarta tecta conseruaretur: & seditionis auctores temeritatis suae iustas poenas de sententia Senatus regii subire cogerentur. Postquam coniuratorum Principes manum illam militum à Prorege missam esse iter ingressam intellexerant, varia excogitarunt artificia, quibus populū sic irritarunt, vt quingenti se armarint, qui belli ductorem, de cuius tyrannide graues fuerāt sparsi rumores, in ipso itinere conficerent: quo verò maiore astu, minoreque inuidia res haec omnis transigeretur, magistratus ciuilis opem implorarunt, qui maius timens malum si obsisteret, tempori cedendum duxit: Iurisconsultum creauit iudicem, quem cum religiosis aliquot obuiam ductori militum misit, quo ei persuaderetur, vt ab imminen-

minente cùm sibi tum vniuersæ turmæ periculo se subtraheret; recepit se itaque belli ductor in locum munitum & commodum ad subsidiũ à Prorege si opes esset accipiendũ, in quo se cõtra coniuratorum impetum optimè tueri poterat. Præses consilij regii intellexerat, ex certis indiciis, ærarii Præfectum fuisse coniurationis principem architectũ, quare promissis & muneribus tantum effecit, vt hominem à populo ad suas partes pertraxerit, quod vbi socii quæstuarii coniurationis Principes intellexerunt, timore perterriti ne ipsius defectio sociis malum aliquod magnum crearet, plumbeo globulo eũ grauitè nocturno tempore vulnerarunt, vnde ipsius postea secuta est mors: facinoris verò culpam in consilii publici Præsidentem deriuarunt, ipso enim auctore occisum quæstorem regium populo persuaferunt: facilè enim perspiciebāt, vulgi animos antea irritatos posse hac ratione à Senatu regio abalienari, quod & factum est: nam populus impetu factò in domum Præsidentis, ipsum captiuum in carcere dies non paucos detinuerunt. Vt verò Senatores omnes aut interimerentur, aut sanè in carcere includerentur, seditionis Principes rumorem sparserunt de seditione facta à ciuitate Cuzco, de quæ Prorege in carcerem contruso. Et ne rei veritas populo patef-



patesceret, quam potuerunt maximam adhibuerunt diligentiam. E Societate quidam Cuzco veniebat Chito, ut Collegii nostri esset Rector, cuius gratiam sunt aucupati, ne ab eo populus, quid apud Cuzco ageretur, diceret; neve de iniuria Deo præpotenti & regi facta reprehenderentur: processerunt ergo patri nostro obviam mille armatorum hominum comitatu, & sapius per urbem, eadem celebritate hominum armis instructorum comitati, euntem honestarunt. Sed pater, ut multis occurreret incōmodis, se in Collegio continuit, deque pace inter Senatum regum & coniurationis Principes facienda seriò agere cœpit. At homines turbulentī, cū pacis nomen audire recusarent, magnū populi in ipsum struere sunt conati odium, ipsius pium studium infamare non veriti, eum dicentes cognatione cum Prorege coniunctum: ciuibŭque Cuzco graue imposuisse vectigal, à Prorege præterea mandata attulisse ad Senatū, ut ex iis, qui seditiosorum factionē erant secuti, septuaginta extremo afficerentur supplicio. His perditorum hominum calumniis est factum, ut Rector venerit in odium populi minitantis ipsi nescio quæ horribilia, & propterea non poterat tutò in publicum prodire. Caterū postquam intellexisset plerō-

que

que ex iis, qui coniuratorum factionem sequebantur, esse coniurationis ignaros, & errore captos, pro seditiosis contra magistratum regium stare, diligenter cum animo suo perpendit, in quanto salutis periculo plebs, ignara fraudis & malitiæ, istorum cōiuratorum versaretur; quomodo item sociorum, quòd nullum periclitātī populo auxilium tulissent in hominum salute procuranda, studium & diligentia multis rebus perspecta, à viris probis in dubium vocaretur; ad extremum charitate Christiana conscientiā stimulari suā, & excitari ad afflicto populo subveniendum, cū sentiret, patribus Collegij dixit, officii sui munus hoc à se postulare; vt populo, paucorum hominum fraude ad defectionem concitato, errorem eripere pro virili conatetur, quamuis propterea non exiguū vitæ discrimen subeundum esset, cū vitæ huius mortalis cura posthabita populi salus & quies à sociis sit diligenter procuranda. Collegii patres omnes in Rectoris sui ierunt sententiam, iudicabāt quippe è Republica fore, vt in publica vrbis platea ex nostris aliquis cōcionem haberet, (nā solēne nostris erat in ipsis plateis ad populū verba facere) impiorumq; hominum, qui astu tantum apud plebem profecerunt, vt patres patriæ passim dicerentur, nefarias fraudes pate-

C

face-



faceret: hoc patrum nostrorum consilium ad  
 coniuratorum aures peruenit, qui Rectori ius-  
 serunt renunciari, si pedem Collegio efferre-  
 ipsi globuli plumbei ictu esse statim pereundi.  
 At Rector (cui dies ille, D. Ioanni Chryso-  
 sto sacer, memoriam rei fortiter & animosè ab  
 eo gestæ attulerat) causæ æquitate nixus, non  
 dubitabat, quin Deus contra improborum ho-  
 minum vim esset auxilium laturus; internun-  
 cio respondit, coniuratorum minas olère ha-  
 resim: si ergo hæretici essent, vt apertè palam-  
 que dicerent, cum non deessent rationes, qui-  
 bus hoc hominum genus tractari debeat. At il-  
 li se bonos esse Catholicos dixerunt, & propter-  
 ea non se, verum magistratum regium indige-  
 re concionum: ceterum si vel vnum ex ipsius  
 ore verbum exiret, de iis que tunc temporis in  
 vrbe fiebant, se curaturos vt globulorum ex-  
 sclopis emissorū imbre tectus ex suggesto mor-  
 tuus in terram decideret. Verum enimvero po-  
 ter postquam negotium hoc totum coram san-  
 ctissimo Eucharistiæ Sacramēto Deo ardentibus  
 precibus commendasset, sociusque, ipso iubente,  
 Christi Domini in cruce pendentis imagi-  
 nem secum occultè sub pallio deferendam ad  
 concionem accepisset, in patrum nostrorum a-  
 liorumque sacerdotum amicorum comitatu

ad plateam peruenit, in qua cùm suggestum, ex quo nostri ad populum conciones habere consueuerant, non reperisset, à Decano & Archidiacono ad Cathedrale templum est deductus, quod ilico propter rei nouitatem hominum frequentia complebatur, de improviso sermonem exorsus est his verbis: Viri Niniuitæ surgent in iudicio contra gentem istam, &c. grauique oratione poenas, quas Deus in Niniuitas constituerat, ex Ionæ vaticinio est prosecutus, simulque recensuit incommoda difficultatesq; quibus ciuitas Chito antea fuerat afflicta, quæ in ludicris, si cum præsentis status publici perturbatione comparentur, meritò, inquit, nominari debent: nam daemon, qui perpetuò hominibus insidiatur, eorum, qui falsò patriæ patres appellabantur, astu & fraude populum ad calamitosam seditionem impulit; ex qua nihil est expectandum præter vrbs direptionem, honoris, vitæ, & fidei Catholicæ turpē amissionem, nam coniurationis Principes cum Anglis fœdus nefarium fecerant: horum omnium testem inuocauit Deum immortalem, seditiososq; ad diuinum tribunal citauit: Quòd si tumultuari non desisterent, se ex calceis suis reiecto pulvere accepturum sanctissimum Eucharistiæ Sacramentum, & cum Collegio vrbe excessurum se-



rio affirmavit : non enim decebat viros religiosos, qui ex officij sui munere aliorum salutem procurabāt, cum seditiosis, apertis Dei Regis sui perduellibus, eandem urbem incolere. Dicta sunt hæc omnia oratione graui, quæ ex animi intimo dolore profecta, sic occupauit totius cōcionis sensus, vt populus certa mutati animi signa daert. Christi Domini imaginem à socio acceptam in manu tenens, ciuitatem omnem, in primis fœminas, quæ in viduitate & solitudine vitam agebant, & infantes pupillas Deo cōmendans populo fletum mouit, adeò vt magna voce lachrymarū vim profundētes, diuinā misericordiam implorarint: tantus fuit in templo hominum dolentium fletus & eiulatus, vt nulla potuerit ratione Rector sibi amplius audientiam facere : mox atque è suggesto descendit, ex Ordine Prædicatorum vir pius & doctus eum amplexans, altiusque è terra paululū tollens, Deus te, inquit, tempore hoc opportunè misit, vt populo salutem adferres, nos verò canes muti fuimus; idem dixerunt qui aderant sacerdotes ad vnum omnes, à quibus ad Collegiū est deductus; populus mox ab armis discessit, quæ postea nulla ratione sumere voluit: Vix eluxerat bimestre spatium, cū coniuratione principes, sibi certissimum imminere periculum

capitis cernentes, populum ad nouam seditionē sollicitarent: At nihil promouerunt, nam paucitum peregrini, qui coniurationis erant rei, & de sceleris sui venia impetranda desperabant, motum Reip. afferre tentarunt. Perspicuum est ergo populum, coniuratorum fraude circumuentum, à perduellionis crimine fuisse immunem, cū patefacta fallacia statim arma abiecerit, ad quæ denuo capienda, nulla consccleratorum machinatione adduci potuit: verū in fide, quam Regi dederat, semper constans permansit. Concilii publici Præses vbi intellexit concionis ad populum habitæ fructum non vulgarem, Rectori gratias egit, de singulari obsequio, primū Deo deinde Regi præstito, maximè eo tempore, quo regii ministri omnes in summo timore periculoq; propter suorum aduersariorum potētiam & audaciam, versabantur. Postquam ciuitas ad pacatum hunc statum fuit ducta, liberum fuit ductori militū, cuius antea memini, urbem ingredi, & de consccleratis nonnullis supplicium ex legum præscripto sumere. Paucis pōst diebus quā hæc gesta sunt, rogatu patris prioris Prædicatorum, & Rectoris Collegii Societatis, concilii Præses ad Proregem scripsit, vt vniuerso populo animaduersionem omnem remitteret condona-



retque, qua in re se Prorex facilem præbuit, rescribens ut de suggesto Collegii Rector hanc impunitatem veniamque; irritati, à populo in sumendis armis commissi, omnibus datam pronuntiaret, quod & factum est. Fidem præterea publicam eodem tempore acceperunt coniurationis principes, qui in Hispaniam in exilium amandati, cum in portu nominis Dei se ad nauigandum pararent, ruina conclauis, in quo commorabantur, oppressi omnes interierunt. Apud Christum Dominum, sanctissimum iustissimumque iudicem, (ad cuius tribunal P. Rector eos, ut supra est dictum, citauerat) concitatae seditionis rationem reddere sunt coacti, cum ipsorum princeps quæstor primus, globulo plumbeo traiectus, ab hominibus antea demigrasset. Omnes ergo coniurationis principes intra breue tempus calamitosè vitam amiserunt: unde conijcere licet, quàm sint graua, quæ à seditionis hominibus in rempublicam committuntur scelera.

Dicendum est deinceps de iis, quæ à sociis geruntur in Tucuman, & in sancta Cruce della Serra, quæ ex litteris adiunctis Lector facile assequetur.

Ex litteris patrum Ioannis Romero & Gasparis di Monroy ex Tucuman.

**E**X vrbe Salta ad R. V. scripsimus, nos constituisse in Prouinciam Calquachorum ingredi, & simul patefecimus, quas nobis dedisset vias Deus, quibus, in magnis inter Idolorum cultores constituti periculis, nos saluos & incolumes conseruemus. Dum inter nos de hac peregrinatione ageremus, tanta cōplebamur voluptate, quanta litteris explicari non potest: susceptum equidem onus, quod hoc maximè nomine fuit nobis gratissimum, quòd hominum Societatis imprimis videretur proprium, pro virili diuino fauore adiuti sustinere conabimur, maximè si R. V. ad Deum accesserint feruentes preces, quibus Numinis nobis singularē opē impetret. De nostro verò, in labore inchoato, scribendum duximus progressu. In Calquachorū finibus reperimus Christianos, qui multis annis peccata sua confessionis Sacramento non expiauerant, quos audiuius Christiano ritu confitentes, & decem aut duodecim baptismi Sacramento ad Christi Ecclesiam adiunximus: fluuium rapidissimū vbi transiuissemus, & quindecim passuum millia pedibus confecissemus, incidimus in populū legis diuinæ prorsus ignarum, cuius Curaca seu Caput nomine



Don Franciscus Christianus erat; septem dierum spatio ad Christianorum institutum erudiuimus centum viginti nouem, quos baptismi Sacramento initiauimus, plerosque item legitimo matrimonio coniunximus, qua in re, cum nobis ipsi, cum labores nostros optimū habere initium cerneremus, tum militiae Christianae tyronibus abundè satisfecimus. Ad populi alterius sedes penetrauimus, ubi cū mortalium esset nemo, solitudo nobis fuit præter modum suspiciosa, suspicionem verò apud Don Ioannem aliosque duos itineris comites auxit aspectus crucis, quam populus fixerat, ut nostrum aduentum sibi fore gratū indicaret, sagittis cōfixæ. Postquam Deo rem hanc omnem commendassent, existimauit Don Ioannes sibi cum duobus Indis esse ad incolarum agros, in quibus satæ erant fruges, eundum, quod & factum est: nos verò, ut vsque ad mediā noctem itionis huius exitum expectaremus, quod non sine molestiis angoribusque fecimus, quamuis de subsidio diuino confisi bene sperare non cessaremus. Rediit Don Ioannes, postquā populum omnem reperisset, occupatum in abigēdis passeribus & Psittacis à semine per terram subactā sperso: quem prima luce adfuturum nostra de causa dixit: Venerunt ergo Indi cum guberpato-

natore suo ad tempus præstitutum: quibus primo congressu de nostri in oras illas aduentus causa differentes, negauimus nos propterea iter hoc suscepisse, vt diuitias nobis cōpararemus, aut vllis vitæ huius commodis potiremur; cū hoc solum nobis fuisset propositum, ipsis veri Dei, à quo fuissent creati, cognitionem tradere, simul & modum, quo ipso frui possent: vt tandem à dæmonis tyrannide in libertatē vindicati, & à ceruicibus suis seruitutis iugo, quo à veneficis suis premebantur, dejecto, in conspectum numinis admitterentur, vbi immortaliter gauderent. Imo nos in animo habere diximus, & ipsos veneficos in eū euehere dignitatis gradum, vt filii Dei euaderent. Quare operæ pretium esse, vt omnes in vnū locum congregarentur, quo facilius veritatis doctorem, salutaria omnibus præcepta explicantem, audirent, &c. Attentissimè verba nostra audierunt, homines admiratione obstupefacti, quòd suæ salutis procurandæ causa nos tot obiecissemus periculis & incommodis, dum flumina transiremus, montesque niue tectos, aliosque in patriam suam difficiles aditus superaremus. Cū postea expostularem, cum Curaca de cruce sagittis confixa, quam populus in signum pacis fixerat, postquam à nuncio, quem misera-

C 5

mus,



mus, de nostro aduentu certior reddebatur, vehementer sibi factum hoc displicuisse ostendit, & in sceleris auctorem, quamuis frustra, cū nemo repertus fuerit, studiosè inquisiuit: Nos quidem conjicimus, aliquem ex veneficis, qui apertum cū nobis tū Euangelio bellum indixerunt, hoc scelus fecisse. Vt summatim dicam, omnem populum, qui Capitibus cōtinebatur ducentis, baptismi Sacramento expiaui-  
mus. Exultabant omnes lætitia, cū nos audirent sua lingua cantantes orationem Dominicam, & doctrinam Christianam, imò concinebant, cū ante crucem, cui debitam tribuebamur venerationem, consisteremus: Confestim & sine vlla mora misimus ex Christianis aliquos manibus portantes cruces, ad regionis huius dominos, (qui patria lingua appellātur Cacichi) quibus nunciarent, nos aduentare eo fine, vt ex seruitute dæmonis per baptismi Sacramentum eos ad Euangelij libertatem traderemus, & propterea nos vehementer cupere, vt inimicitias, quas inter se gerebant, simpliciter & candidè ponerent; & dehinc à bellis & seditionibus, quibus sibi mutuo afferebant interitum, se abstinere. Ad nos accurrerunt populi vicini Capita seu Curachi, vt in patriā suā ducerent: Quare valedicendum fuit illis, quos

Chri-

Christo adiunxeramus, postquam eos in religione Christiana erudiuissemus; & supplicatione singulari diem festum celebrantes, Deo immortalī pro collatis in populum beneficiis gratias egissemus. Peruenimus ad locum, quem Dæmon tanquam præstigiarum suarum omnium arcem delegerat: nihil enim reliquit intentatum, ut in ea quam occupauerat animarū possessione permaneret. Sed pro nobis pugnavit Deus præpotens, qui omnē rerū creatarum potentiam pro sua voluntate arcet & continet. dæmonisq̃ue contra hominum genus iniquas molitiones disturbat dissipatq̃ue. Immoderatas tempestates, pluuias, ventos, terramotus, periculaq̃ue alia, quæ bidui itinere per viam ferè præcipitem & lubricam, montesq̃ue altos atque siluestres, adiuvimus, certo numero completi poterit nemo: at Christus Dominus, qui nos ex omnibus his malis eripuit, labores nostros ipsius causa susceptos abundè compensavit, cū eam populo Pimbu hanc mentem dederit, ut nos hilari ipsi lætiq̃; honorificè acciperent: ornarunt vias publicas portis triumphalibus, florentibusq̃ue arborum ramis, nobisq̃ue obuiam supplicantium more cruces illis, quas ad ipsos misimus, similes manibus portantes processerunt: nos verò ante præcipuas cruces genibus  
nixi



nixi Deo immortali, quas potuimus maximas, egimus gratias, quòd Diaquiti (sic passim populus ille appellatur) animi ad Christianā suscipiendam religionē propensi signa dedissent certa, turbamque ordine progredientem ad plateam, canentes orationem Dominicam, sumus secuti, vbi verba ad eam fecimus, & postquam vernacula ipsorum lingua in Dei laudem aliqua cecinissemus, ad hospitium perreximus: Alatae sunt nobis radices boni saporis, quibus populus passim vescitur, simul cum gallo gallinaeo, quo munere aliud esse nullum maius gens haec existimat, quo suam erga nos beneuolentiam testari poterat, cuius cantu antelucanis horis ad Deo persoluēdas debitas laudes exsuscitatur: postquam prandissemus, nos inuiserunt duo Curachi cum decem Indis Diaquiti vicinæ gentis, qui vultu fero & vestitu vario aspicientes perterrefaciunt, capillati incedunt, sic vt crines lōgos ad foeminarum morem tortos in humeros habeant reiectos: caput verò fillo laneo cingunt, in quo figunt multas plumas versicolores, frontem vsque ad oculos colore nigro tingunt, reliquam vultus partem sexcentis coloribus depingunt, vultu corporisque magnitudine vasti sunt & agrestes, aspectuque terribiles, à ciliis vsque ad cingulum pendent ipsis bini

bini funiculi coloris purpurei. Ipsorum amictus est indufiata oblōga, quæ à collo cūm foeminarum tum virorū pertingit ad pedes : cincti in prælium prodeunt & ad venationē, cumque peregre est proficiscendum : arcum cum pharetra, in qua sunt sagittæ amplius quinquaginta, semper portant : putantur milites esse valentes & sagittarii optimi : Ex brachio dependent quasi lactucæ ex lana rubra : cūm reliqua brachii pars vsque ad cubitum sit planè nuda : pro calceamento sandaliis vtuntur : Cooperamur, studium nostrum explicare, quo tenebamus, ipsorum salutis, vt liberi ab idololatriæ tenebris filii Dei fierent, à quo sunt creati, cuiusque prouidentia opeque sustentantur, quo habiles ad suscipiendum baptisimi Sacramentum redderentur. Respondit ex iis Curacha senex, patrios nostros mores deponere, capillosq; , vt alii faciunt, abradere nolumus. Qui paucis antè diebus se ad Christi Ecclesiā adiunxerant Pulari & Chubaini ad imitationem Indorum, qui incolunt Peru, sibi totonderant capillos, quo facto testabantur se candidè Christianam amplecti religionem. Hoc ergo Christianorum factū Curacham mouit, vt de capillis sermonem haberet. Cæterum non propterea destitimus ipsos adhortari, vt ea præstēt quæ sunt necessaria,

vt



vt in bonis Christianis numerarentur, maximè  
cùm hac sola de causa laborem sanè permole-  
stum in longo & difficili itinere conficiendo  
suscepissemus. Ite, inquit ipsi, ad terras no-  
stras, infantesque pueros baptismo abluite. Nò  
tantùm puerorum, verùm & hominum proue-  
ctæ ætatis commodis nos studere diximus, &  
propterea si Dei vellent esse filii, necessum esse,  
vt singuli viri singulis vxoribus essent contem-  
pli. Quod ad capillamenta attinet, et si nobis gra-  
tissimum foret, vt aliorum Christianorū more  
ea abradatis, tamen peccatum est nullum, lon-  
gos habere capillos: sed occasio vos prouocās,  
vt inimicitias cū aliis suscipiatis, & in mutuas  
cades, contra Dei præceptum, scienter magno  
vestro malo ruatis. Nos porrò negotium hoc  
de abradendis capillis vestræ relinquimus vo-  
luntati, modò iis, quæ intellexistis, & postea fu-  
sius estis intellecturi, Christianæ doctrinæ præ-  
ceptis diligenter obtemperetis. Hoc præterea  
scitote, post susceptum baptismum non licebit  
vobis capite tecto adesse, cū sacerdos sacro-  
sanctum Missæ Sacrificium facit: decòrum nā-  
que postulat, vt sempiternum Numen detecto  
capite reuerenter eo tempore, quo fit res diui-  
na, colatis: nihil tamen obstat, quo minus capi-  
tum vestrorum tegumenta, quæ pennarum cō-

textu vobis parastis, manibus teneatis vestris. Superbè autem & arroganter (quod mirum nō est, cū superbiæ vitio Diaguitæ sint notatissimi) responderunt, se nolle cultum ornatumque corporis mutare. Nos verò, vt ipsos nobis beneuolos faceremus, curauimus vt quietem cum cibo apud nos caperent, adeò vt amabiliter à nobis dimissi domū redierint. Curachorum ad nos aduentus nostro iudicio, & postea vt ab aliis intelleximus, reipsa habuit suspiciones periculi, sed misericors Deus animos ipsorum voluntatesque mutauit. Rem omnem cū Dō Ioanne itineris comite communicauimus, nam magnam deprehendimus in suscepto negotio difficultatem, Indorumque, in quorum salutem incumbere statueramus, animos à nobis abalienatos. Solitudinem porrò nostram auxit recordatio interitus Hispani nobilis, qui cum fratre suo germano, certi cuiusdam Ordinis Religioso, ab hoc populo quinque abhinc annis miserè erat trucidatus: non inficiamur, quin duo illi Hispani necis suæ ansas dederint. Omnium qui simul eramus sententia fuit, maius nobis imminere periculum, si ab incepto itinere, ad ea vnde venimus loca, redire tentaremus, quàm si, vt facere constitueramus, progredieremur. Susplicari enim potuissēt Indi, regressus



sus nostri non aliam fuisse causam, quā vt Hispanos accerferemus, qui ipsorum erga nos insolentiam castigando, populum omnem occiderent. Huc etiam accessit populi huius, quem, vt suprà diximus, aduentus noster tantopere delectabat, & Curachæ ipsius non levis perturbatio, imò à nobis aliqua abalienatio, postquam Curachos illos Diaguitas nobis durius respondisse animaduerterant. Nos verò spem nostram omnem in Deo collocauimus, qui eā Diaguitis mentem dedit, vt postridie eius diei ad nos redierint, submissè rogantes, vt sibi ignosceremus, quod pridie arroganter & superbe locuti fuissent, cuius rei hanc fuisse causam dixerunt, itineris labore defessi, vt sitim explerent suam, ebrii sunt facti, adeò vt quid loquerentur planè nescirent: At sicci, ita vt suo libere possint uti iudicio, se nostrorum voluntati in omnibus obtemperaturos, cū Deum vocantem sequi in animo haberent, Christianorumque ritu & more viuere: præterea se dolere quòd ad alias gentes abire cogitassemus, cū in illis locis non tantum ipsorum populares, verum & gens vicina Euangelii luce frui cuperet. His auditis animos ereximus, Deumque mutationis huius auctorem agnouimus, cui illud Davidis diximus: Lætati sumus pro diebus quibus nos humili-

humiliaſti : diuinitus ſiquidem eſt factum, vt  
quæ res erat difficillima, facta ſit facilis: Qua-  
re dubium non eſt, quin prouinciæ huius An-  
gelus operam ſanè clientibus ſuis ſalutarem a-  
pud diuinam maiestatem præſtiterit: de Iose-  
pho, quem peregrinationis noſtræ elegimus  
patronum, idem exiſtimare debemus, & de ſan-  
ctiſſima Dei genitrice angelorū Regina, quin  
& ipſa ſuis ad filium ſuum Ieſum precibus po-  
pulum hunc vehementer iuuerit, dubitare po-  
terit nemo, qui ſtadium & amorem, quo ipſa  
mortales in miſeriis conſtitutos proſequitur,  
perſpectum habet. Manum operi mox admo-  
uimus, nam fidei noſtræ rudimenta populo di-  
ligenter explicauimus, quem vbi ea, quæ Chri-  
ſtianis neceſſariò ſcire debet, didiciſſe animad-  
uertiffemus, per baptiſmi Sacramentū ad Chri-  
ſti Eccleſiam adiunximus: Magna cum bene-  
uolentia nobis idem populus, quæ ad victum  
opus erant, ſuppeditabat, mel nimirum, terræ-  
que illius, qui paſſim comeduntur fructus. Pro-  
greſſi ſumus ad aliam gentem, vbi non defue-  
runt timoris & ſuſpicionū occaſiones: At Deus  
hac ratione nos exerceri voluit, vt re ipſa ſci-  
remus, bonum omne à diuina ſua Maieſtate in-  
mortales proficiſci. Haſtenus ſunt à nobis ba-  
ptiſmo initiati 1040, & legitimo iuncti matri-  
monio



monio 280. Viuit hæc gens mirificè Christiano instituto contenta, cui sic adhærescit, vt cū dormi tum foris diuinas laudes, quas à nobis didicit, canere non cessat, frequenterque doctrinæ Christianæ secum ipsi repetat memoriam. Ab hac gente digressi venimus Atuchigastam, qui locus est Diaquitorum idololatrarum, qui mox vt nos ad se aduentare intellexerunt, non solum viam 10 aut 12 millium passuum, per quam inter nobis faciendum erat, munierunt: verum & nobis obuiam saltantes præ lætitia venerunt, Cruces in manibus portantes, floresq; & frondes viridesque herbas spargentes, quod propè incredibile & portenti simile iis videbitur, quibus superbia ferocis huius populi satis est cognita. Sed manus Domini fecit hoc, cuius tanta fuit vis & efficacitas, vt studio addiscendi doctrinam Christianam, & se ad baptismum ritè suscipiendum comparandi, gens hæc cæteris, quas in hoc itinere adiunimus, antecelleret. Ad vnum omnis populus baptismo fuit initiatus, cuius exemplum secuti sunt vicini finitimi. Nemo est omnium, qui idololatrarum superstitiones non aspernetur, qui capillos non tondeat, & à vultu depingendo se non abstineat, nam facies ipsorum depictæ redolebant immanis bestię feritatē: Cōtenti sunt præterea vnius vxoris

ris consortio, qui antè domi alebant concubinas duas: Deorū suorum simulachra nobis ad comburendū attrulerunt: sempiterni verò Numinis laudes canere non intermittunt. Dum, peractis apud certam gentem Sacramentorum baptismi & matrimonii cerimoniis, occuparemur in ordinando populo, qui in supplicationem erat proditurus, renuntiātū est nobis, veneficos noctem insumpsisse in dæmonio inuocando apud fanum quoddam execrandum, ad idolorum cultū olim dedicatum. Grauitè hac dere cum Indis exostulando eos monuimus, vt flexis genibus pectora sua pulsarent, Deumque supplices rogarent, ne pœnas à Deo tam immani sceleri constitutas pēdere cogerentur. Nostriis monitis mox omnes paruerunt, Dei misericordiam inclamantes. Negauimus insuper nos antea rem diuinam facturos, aut in supplicationem prodituros, quā domus illa, in qua dæmon colebatur, funditus euerteretur: quod vbi audierunt noui Christi milites, magno animi ardore buccinis & aliis musicis instrumentis canentes, nō prius quieuerunt, quā delubri cineres viderent. Sit nomen Domini benedictum. Cruces passim fiximus, ad quas conueniunt Christiani, vt preces suas Deo offerant, & mortuorum corpora hument. Desi-



gnati sunt certi homines dogmatum fidei nostræ præ cæteris intelligentes, quibus est hoc impositum officii munus, ut populum ad audiendam doctrinam Christianam conuocent, pueros puellasq; deligant, quibus eandem doctrinam recitantibus, omnes qui adsunt audent suas, cum ea quæ postulat Christiani hominis institutum modestia & attētionē. Scripsimus cū R. Episcopo, tum Gubernatori, ut initia hæc religionis Christianæ bene Dei beneficio posita ipsi conseruent augeantque, quo Neophytorum pietas in dies magis ac magis crescat. Quod si cultores vineæ huius idonei mittantur, omnes incolæ cōuallis Calchaci deserta idololatria Christianam complectentur Religionem. Societatis verò nostræ homines optabilem hîc reperient messēm: Non deerunt equidem difficultates variæ, quas augere nobis poterit insita quædā timiditas, quare verè dicemus: Quotidie morimur. Cæterum in mediis vitæ periculis spes, quam in Deo reposuimus, viuit, cū omnia in ipsius esse potestate certò sciamus, & propterea mortem ipsam contemnimus. Animos præterea nobis addit cogitatio matris nostræ, cuius vbera suximus: & operis præclari quod tractare coepimus magnitudo. R.V. cum aliis sociis omnibus nos Deo, si  
pla-

placet, in suis sanctis Sacrificiis & orationibus commendet. Ex itinere S. Iacobi, 23. Ianuarij, 1601.

*Litteræ Petri Andreæ Ortiz, scriptæ in sancta Cruce della Serra.*

**A**ccepi R. V. litteras quæ mihi magnum certè solatium dederunt, nam ex iis intellexi aduenturos laboris in hac vinea excolenda socios, quorum præsentia mihi hoc tempore esset inprimis utilis, cum præter quotidianos labores, in quibus cū urbis huius ciuibus me exerceo, menstruas instituā ad vicinas gentes excursiones. Caterum tantam non potui adhibere diligentiam, quin multi è vita absque confessionis Sacramēto migrarint, & nuper ex pectoris dolore mortui sunt complures. Ex Indis præterea multi ad montosa confugerunt loca, quæ hinc 120 millia passuum distant, quos Hispani ad antiquas sedes & domicilia reduxerunt; breui verò tēporis spatio, baptismi Sacramento initiauimus quingentos. Nonnulli sine baptismo sunt mortui, quibus propter occupationum magnitudinem frequentiamq; nulla ratione potui succurrere. Infantium puerorū magnū numerum morbus ille pectoris, qui regiones has peruaserat, magno ipsorum bono nostroque solatio non mediocri cōsumpsit; laudandus est Deus, quibus possumus laudibus, quòd ex idololatriæ spinis.



procreavit rosas iucundi odoris, quibus cali hortus amenissimus ornatur. Hæc est carissime Pater nostra his in locis messis, quæ nos hilares facit & animosos, ut neque animi neque corporis laboribus ullis pro Christo Domino susceptis defatigemur. Cum inuiso populum, & deprehendo aliquem ex iis, quos pridie illius diei baptismo tinxi, ex visis migrasse, incredibili afficior voluptate: nam certò mihi persuadeo, eorum qui post susceptum baptismum moriuntur animas in cælis sempiterno ævo perfrui: quare hoc nomine Deo gratias ago, quòd mei miselli hominis opera sit usus, ut salutem iis, qui antea in idololatria tenebris vixerant, impertiretur. Hæc sunt quæ occupamus honorificentissima suggesta. Hæc est illa quæ optamus simila, & messis multis partibus uberior maiorque quàm apud Hispanos, qui numero sunt pauci, si cum Indorum multitudine comparentur. Perficiat Deus, ut in sempiternum Numen amore inflammemur. Amen.

Litteræ P. Dieghi Samaniego ex sancta Cruce della Serra.

**P**ax Quiringanorum (qui homines sunt montani) indies confirmatur. Iuricari (natio est ante hoc tempus incognita) ex suis aliquos miserunt, qui Societatis patres inuiserent: quatuor verò municipia cum suis Cacichis se imperio Re-

gis Hispania subijcere cupiunt, quare facilis erit ratio ipsis persuadendi, ut baptismo initientur. Triplex ex hac parte prodibit fructus, isque non contemnendus, & certè Dei singularem erga gentem hanc in hac pace facienda agnoscimus benevolentiam, cum hæctenus nulla humana vis eam potuerit ex patrio solo extrudere. Primus ergo pacis fructus est salus Indorum, cum patrum tum filiorum, qui in Christianorum sunt cooptandi numerum, quique ad Hispanorum urbes migrabunt: Alter, quod per nationis huius agros facilius sit ad regnum Peru aditus, quam per terras Ciriguani & Iuracari, qui sunt gentes barbare & immanes. Tertio verò loco patefaciet hæc pax ianuam multis nationibus, in primis Chiucchi, Amostri, & Moparococi, per quã poterunt in Christi Ecclesiã ingredi. Ab his autem, qui ad nos venerunt, cognouimus hæc municipia, quæ Hispanorũ expetunt amicitiam, grauitè à vicinis nationibus vexari, & propterea se in Hispanorum, per quos acceptas iniurias ulcisci cupiunt, clientelam tradere. Ratio hæc est optima propagandi imperiũ Regis Hispaniæ ad morem veterum Romanorum, qui auctore D. Augustino à nationibus, quas gentes aliæ oppressas & afflictas tenebāt, ut opem ferrent vocati, non tantum ab innocentibus iniuriã propulsaunt, verum seruitutis iugum illos, qui



nefarium innocentibus bellum intulerant, subire  
 coegerunt: cum iis autem, quibus auxilio fuerunt,  
 ut pristinam libertatem reciperent, societatem  
 fœdere perpetuo confirmare in more habuerunt.  
 Hac ratio erit facilis adducendi has nationes ad  
 Christianorum viuendi morem, quam tenuerunt,  
 qui Tamacoci & Gerei gētibus auctores fuisse, ut  
 Christiana sacra in hac Prouincia amplecteren-  
 tur. Deus dat mortalibus varias vias peruenien-  
 di ad rerum caelestium cognitionem, ut varia gē-  
 tes gloriam consequantur immortalem. Hac scri-  
 psit bonus pater Dieghus de Samaniego, vir qui à  
 prima aetate studio propagandi Christianā Religio-  
 nē arsit, & annos amplius 60 natus sic ardet, ut  
 nō minùs iudicetur in laborando acer, quā si nunc  
 primū ad negotium hoc operosum aggredere-  
 tur. Vehementer expetit omniū primus, per hanc,  
 quæ nunc patet, ad varias nationes portam ingre-  
 di. Quarum regio, ut nobis persuademus, erit no-  
 ua amplaque prouincia Peruana: patet namque  
 ab ingenti monte, cui est nomen Cordigliera, in  
 finibus prouinciæ Liarchionū, vsque ad prouinciā  
 Chito, & à nouo regno vsq; ad littus maris, quod  
 est ad Septentrionem. Deus immortalis faxit, ut  
 sub Crucis vexillo gentes has omnes videamus in  
 Christianæ militiæ disciplina se exercentes. Binas  
 uno tempore à V. R. accepi litteras, quæ diu mul-  
 tum.

tumq; à me expectata vberem gaudij non medio-  
 cris mihi suppeditarunt materiam: ubi verò sal-  
 uus & incolumis venerit Pater, qui R.V. iussu, ut  
 in iisdem litteris habetur, ad me est iter ingres-  
 sus, maximis exultabo gaudiis. Rogo R.V. per Deū  
 immortalem, ut in operariis, qui vineam hanc ex-  
 colant, ad me mittēdis se praebeat liberalem, qui-  
 bus in magna Prouincia Paretorū, hoc anno pri-  
 mum Hispanis cognita, abunde suppetet lata seges  
 ad me sem matura: Admiranda sunt planè, quae  
 de regione hac ipsiusq; narrantur habitatoribus,  
 adeò ut incredibiles aliquibus videri possint fa-  
 bulae.

Narrant inter alia Hispani, Prouinciam hanc  
 amplissimam ab innumerabili hominum multi-  
 tudine incoli, nationemque inter alias multas es-  
 se unam hominum nigrorum, alteram Pumlionum,  
 tertiam verò Amazonum, omnesque uni  
 Monarchae potentissimo parere: Inuito ergo R.  
 V. ut ubi Prouincia, cui nunc praest, rectionem  
 deposuerit, ad has regiones veniat, ubi ad imi-  
 tationem B.P. Francisci Xaverij Indum in hume-  
 ris suis sustinebit. Indus porro R.V. poterit esse  
 natio Paretorum. Deum oro, ut nobis aliquando  
 illucescat dies, quo omnes & ego in primis R.V. in-  
 ter hos idolorum cultores munere suo fungentē  
 videamus.



Quod reliquum est, mi Pater, scias hanc terrarum oram magnum nuper fecisse damnum, propter Prouinciarum 4. numero defectionem, quæ nobis aditum magnum ad Euangelij propagationem apud varias gentes interclusit, ut taceam innumera, quæ ab ea sunt orta incommoda, rerumque propè omnium perturbationes varias. Sed summus Rex IESVS CHRISTVS, cuius negotium geritur, remittet, ut speramus, animaduersionem & supplicium, quo iuste in populū uti poterat, cui misericordie suæ fontem aperiet, ne mortales innumeri in idololatriæ tenebris demersi ad inferorum perpetuos cruciatus detrudantur. R. V. in suis ad Deum precibus etiam atque etiam instet, ut ipsamet ad nos mittatur, quo præclaro huic operi, quod aggredi cogitamus, tanquam dux noster præsit: Ego porro etiam in hac mea senectæ longo defessus labore, cum meo tum aliorum sociorū sacerdotū nomine, R. V. obsequia omnia & obediētiā polliceor. Age mi dilectissime pater, & rem hanc cū nouo Prouinciæ Præposito seriò tracta simul & cū Domino Prorege, ut antea R. V. apud Nigros, Pumiliones, & Amazones, Christo Domino in promulgando Euangelio laborantem videam, quàm de hac vitæ statione discedam. Amen.

Idem P. Dieghus de Samaniego ad patrem Ioannem

annem Sebastiano, cui quas iam recitavi scripserat litteras, quæ hîc adieci, scripsit. Magna sunt & admiranda in noua hac terrarû ora, cuius cognitionem sensim consequimur. Socij autem, qui sunt in sancta Cruce della Serra, ex Indis rusticis intellexerunt; eam ab amplius trecentis magni nominis nationibus, ut de Pumilionibus, Nigris, Amazonibus, & Quarais, aliisq; gentibus minùs illustribus dicâ nihil, incolis omnibus abundare bonis, quamuis præcipuo careant bono, cû hominem non habeant, &c. Deus fortasse mensem hanc reseruat operariis novis, qui studio illustrandi Christi Domini honorẽ feruentes, absque formidine in amplissimas has Prouincias, cum sanctissimæ Crucis explicato vexillo ingredientur, maximè in regna Paretorum & Doratorum, in quibus est nobis omnibus & præcipuè R. V. apertus cursus ad triumphandum de communi generis humani hoste: Novus hic labor erit R. V. quasi animi relaxatio à curis Præpositi Prouincialis, quas nunc deponet: Caterùm non erit omnino sine cura, ad infantium quippe morẽ linguæ erunt addiscende. At labor hic ad multorum salutem susceptus tanta est cum iucunditate coniunctus, ut cum Isaia licebit dicere, computrescet iugum à facie olei. Et mihi sem, septuaginta circiter annos nato, Deus animum dedit addiscendi binas  
lin.



linguas, ut his nationibus opera mea salutaris esse possit, immo propterea in libello meo, quo sum cōplexus vocabula linguae Chiriguanan, chartā reliqui albam, in qua cōscribere aliarum linguarum verba cōstitui. Et quamvis vite spatium, quod longum satis mihi promitto, (non est enim abbreviata manus Domini) me deficiat; voluntas tamē bene merendi de aliis, Christo Domino grata erit. Haftenus P. Dieghus Sammaniego.

Ut verò qui sunt harum gētium, quarum notitiam hoc anno primū habuerunt Hispani, ritus melius Lēctor sciat, adiciam quae cōmemorat vir fide dignus, qui praesens aderat, cū primū Hispani ad ipsarū terras peruenerunt: is enim hoc nomine Limam venit, ut Proregem de his, quae oculis suis viderat, certiore faceret. In Prouincia sanctae crucis della Serra patefacta est versus Septentrionem planicies ampla, quam nationes contaminatis superstitionibus praeter modum obligata incolunt, quae passim habet in domibus suis, & ex collo dependentes portat, sculptas daemones imagines, apud singula verò municipia domus est una daemonei dedicata, pulchrè depicta & ornata, in cuius medio est suggestum, ex quo demon certis temporibus conciones ad populum habet, ita ut non modò audiri, sed & conspici possit. Aduentanti daemonei obuiā à populo fistulis & aliis musicis

*sicis instrumentis canente itur, solet idem demon  
 supplicationibus populi interesse, & simul dies  
 festos agere, ut autem summam dicam, sunt hæ  
 nationes mirum in modum dæmoni in omnibus  
 obsequentes, auguriisq; mirabiliter deditæ. Nu-  
 per demon prædixit in oras illas venturam gen-  
 tem barbatam, antea incolis non visam, cum qua  
 armis certare dissuasit, si salui & liberi persistere  
 vellent. Regnorum illorum Dominus, cui nomen  
 Guarepeci, præcepit clientibus, ut gentem illam  
 barbatam humaniter acciperent, filiasq; ei in ma-  
 trimonium darent, quo facilius in fraudem de-  
 ducta, sine civium damno interfici posset. Dei por-  
 rò est providentia factum, quòd Pareti, qui sunt  
 finitimi Guarapeci, patefecerunt Hispanis cum  
 demonis vaticiniũ, tũ nefariã idololatrarũ frau-  
 dẽ. Vnde factũ est, ut Hispani, de improviso cũ ar-  
 mis in regionẽ illã irrumpẽtes, Indos cõplures in  
 captivitatem abduxerint, qui nunc in sancta Cruce  
 della Serra fidei rudimenta discunt, ut baptismo,  
 temporis progressu inicientur. Narrant hi cap-  
 tivi multa de patriæ suæ (quæ frequentissimè im-  
 mo frequentius quàm Hispania habitat) ferti-  
 litate. Quæ res movit civitatem sanctæ Crucis, ut  
 litteris ad P. Prouincialem scriptis, quarum exẽ-  
 plum hîc subieci, operarios impensè flagitaret, qui  
 in hoc nouum regnum mittantur.*

*Civi-*



Civitas hæc, & qui eius territorium incolunt, se plurimum sanctæ Societati IESV profitentur obstrictos, hoc maximè nomine, quòd ipsius Societatis Religiosi, linguis suis igne cælesti inflammatis, cùm Christianis tum barbaris nationibus mirabiles prabeant utilitatis fructus. Nunc verò singulari Dei benignitate sunt regiones patefactæ, quæ hinc absunt 260 passuum millibus, quas idolorum cultores incolunt, quod fusiùs & minutatim narrabit, qui has litteras deferet, Franciscus de Carriera, quem dedita opera ad Proregis excellentiam mittimus, ut colonias in oras illas mittat, simulq; R. V. Sacerdotes ableget, qui ad propagandam Christianam religionem ceteris facies præferant sine quorum subsidio veremur, ne conatus nostri non cum, quem optamus, felicem exitum consequantur: proinde obnixè rogamus R. V. ut nobis opituletur; quod faciet, si operarios miserit, & ardenti studio nos Deo in suis orationibus commendarit. De reliquo R. V. fidem huius viro honesto & fide digno, cui has perferendas dedimus, habere poterit, & in Domino à nobis valebit. Ex urbe sanctæ Crucis della Serra, &c. Magistratus Regij, & collegium Canonorum Ecclesiæ Cathedralis.

Quæ suprâ particulatim narrauimus, simul & litteræ ad P. Prouincialem ex urbe sanctæ Cru-

cis scripta, non obscure testantur, quem operarij  
 Societatis IESV ex Indis laborum suorum fru-  
 ctum reportent. Nunc superest ut videamus,  
 quanti sunt progressus, quos fecerunt incola Pe-  
 ruani à sociis in Christiana Religione instituti,  
 Sacramentorum frequens apud ipsos est usus; in  
 operibus verò piis exercendis sunt assidui, ut iis  
 in rebus, quæ ad effrenatas animi cupiditates  
 frangendas momentum aliquod habent. Perua-  
 norum equidem vita dici potest perpetua affli-  
 ctio, (tanta est ipsorum paupertas, & qua oppri-  
 muntur calamitas) quam ipsi maiorem in modum  
 augent voluntariis verberibus, inedia, alijsq; as-  
 peritatibus. Sunt inter ipsos nonnulli, qui à Deo  
 sunt consecuti donum planè divinum orationis,  
 cuius beneficio rerum cælestium cognitione ipso-  
 rum mens mirificè illustratur, seque ipsi noscunt,  
 virtutūque sibi thesaurum accumularunt: qua-  
 rum rerum cum occasio datur, non vulgaria ex-  
 tare solent experimenta. Non desunt virgines  
 castæ, quæ ut virginitatem servarent suam, vitæ  
 discrimen adire non dubitarunt. Fæmina verò  
 matrimonio iunctæ in tanto habent pretio casti-  
 tatem, ut si à Sacerdote, dum peccata confitètur,  
 interrogentur, num aliqua in re castimoniū vio-  
 larint, graviter offendantur, dolent namque hac  
 de re sibi quæstionem poni ab eo, cui ipsarum ma-  
 tri-



trimonium est perspectum, & proinde coniugis ad Sacerdotem de castimonia interrogantem hac solet esse responsio: Nunquid dixi me esse viro nuptam? In Cuzco maximè complures sunt cum Inditum Indæ, quibus adeò est cordi hospitalitas, ut fortunis suis aduenas & peregrinos, qui apud nostros confiteri peccata sua volunt, magna charitate alant, modumq; ritè confitendi doceant, abeuntibusq; cibaria, quibus in reliquo itinere vescantur, abundè ministrant. Noui ego Indam vetulam, Agnetem nomine, dum idola coleret sagā, quæ Christiana facta, dum corporis vires suppetarent, & valetudine esset bona, vniuersum regnū Peruanū peruagabatur, incredibili animi ardore & fructu magno apud varias gentes dei Christianæ mysteriis verba faciens, postea verò senio confecta viribusq; imbecilla se recepit Cuzco, ubi ante-meridiano tēpore omnibus, quæ in templo fiebant, sacris intererat: pomeridianis verò horis ad templum cōsistens & pensum trahebat, & pueris rusticanisq; hominibus in iis, quæ ad Christianæ religionis spectant cognitionem, erudiebat, egestatem cum suam tum aliorum pauperum, partim suo labore, partimq; opulentorum hominum liberalitate sustentabat.

Alia quadam fœmina, cui nomen Anna, in ætate matura, postquam fortunas omnes suas pauperi-

peribus distribuisſet, in mendicitate vitā tranſe-  
git, ita tamen, ut captiuorum pauperumq; angu-  
ſtias ſua induſtria ſubleuaret: nam opulentorum  
opem implorare non deſiſtebat, quo haberet quod  
in egentes erogaret. Matrona hæc optima, perpe-  
tuo aliorum deflebat peccata, publica maximè, &  
quorum contagione contaminabantur alij. Mul-  
ta his ſimilia ſuppetunt, quæ cōmemorare poſſum  
exempla, ut verò paucis multa complectar, fru-  
ctus, quos ex Indis percipimus, uberes ſunt & ſta-  
biles, & pleriq; Patres cū doctrinæ tum naturæ  
donis inſignes, ſua quam conſecuti ſunt ſorte in e-  
rudienda hac natione cōtenti viuunt, quod litte-  
ræ, quas adſcripſi, ex parte aliqua teſtantur.

Epistoła P. Dieghi Vazquez ex domicilio Iu-  
lij ad P. Prouincialem ſcripta.

**A**D R. V. rariùs ſcribere conſtituerā, ne ipſam  
variis occupatam rebus interpellarem, verū  
litteræ R. V. ad P. Petrum Vincentium me ſentē-  
tiam mutare cōegerunt, quibus à me rationē ſus-  
cepti laboris apud Indos expetit. Scribo ergo nūc,  
& dehinc, quoties meas fore R. V. gratas intelle-  
xero, ſcribere non intermittam. Ut à me ipſe or-  
diar, Dei immortalis magnam experior erga me  
benignitatem; qui mihi tantam dedit latitiam,  
quantam nunquam ex re vlla perceperim. Sit no-  
men ipſius ſanctiſſimū in magna apud mortales

E

omnes



omnes gloria. Nullam hoc tempore habeo difficultatē, adeò ut Dominus me in suis portare brachiis, cibumque mansum, non secus ac si puer infans essem, in os meum inserere videatur, cuius honori servire non desistam: In eam siquidē spem veni, vires me tandē consecuturum ad comedendum cibarium panem. Crebrò miseros urbis Iulii muros cōspicio, & mōtes hos saxis viuis nudos, & mihimetipse dico; perpēde ad quas res amoris tui oculos adjeceris, adeò ut tibi molestū foret, ex hac urbe ad alias terras migrare. Caterū video Deū, eam mihi iniecisse mentem, ut totus ex nutu & voluntate V. R. pendeam, adeò ut R. V. auctoritate fretus, auderem ad extremas terrarū oras cōmigrare; sed bona V. R. venia libere dicā, me hīc, quem cupiebam, reperisse habitandi locum: quare R. V. voluntate hīc vivā, hīc moriar, hīc sepeliar, modò aliud à diuina prouidētia, à qua pendemus omnes, constitutum non intellexero. Incommoda, qua dum in Hispania essem affligebar, valetudine iam emersi; & si mentis sanitas responderet firma, qua nunc fruor Dei beneficio, corporis habitudini, in Christianis perfectis nō iniuria numerarer. Quod ad Indos attinet, pro virili conor impositum mihi Parochi onus sustinere: Tanta est siquidem operariorum penuria, ut abhinc duos amplius menses mihi sit demādata cura Parochia  
sancti

sancti Ildefonsi, & abhinc mensem unū cæpi confitentes peccata sua audire: non tamen sine scrupulo, propter vernaculæ linguæ tunc temporis nō satis magnam intelligentiam; nunc verò sine solitudine, magna cum voluptate, cōfitentes audio, adeò ut dies mihi videantur horæ. Ad unum omnes Parochia, cui præsum, incolas confitentes audiui, quare excurrere cogito ad Christianos, qui se in montes abdiderunt. Ad me accessit mulier Indæ, quæ semel aut summum bis in omni sua vita est confessa sua peccata nullo suo commodo, verum magno damno, nam gravissima silentio præterierat, hæc sceleris sui conscientia perpetuò cruciata, nullam mētis quietem reperiebat. Capocanauam ubi B. Virgo singulari honore à Christianis colitur adiit, eam supplicibus verbis rogavit, ut à Christo Domino peccatorum suorum veniam impetraret. Tandem illi persuasum fuit, unicū superesse remedium, quo salutem consequi posset, ut nimirum se patribus sanctis sisteret. (his in locis Societatis nostræ religiosi, hoc modo passim nominantur) Ego porrò mecum ipse sum locutus: Incidisti in Patrem sanctum, Deus utrique sanctitatem impertiatur. Animi sui morbos & vulnera postquam in confessione aperuisset, tranquille & placide conscientia cruciatibus libera vivere cæpit. In prima quam ad Indos habui concione me



Patrem matrèmq; & fortunas omnes deseruisse dixi, ut ipsis in iis, quæ anima salutem spectat, subuenirem. Quæ pauca verba cõcionem sic affecerunt, ut signis aded frequētibus hoc meum factum sibi gratissimum esse cùm singuli declararent, non nisi magna cum difficultate mentis cogitata eloqui potuerim. Postridie eius diei à Procuratore regio intellexi, Indam hoc nomine fleuisse, quòd salutis suæ procurandæ causa parentes dereliquissem meos. Laborem quem suscipio in erudiendis Indis consolatur vitæ, (ut alia taceam) quam in ipsis deprehendi, integritas: nam in iis, quas toto mense accepi, cõfessionibus, nullum græde reperi peccatum. Polliceor itaque R. V. eam esse populi huius honestatem, studiũque seruandæ castimonie, ut admirationem apud eos, quibus gentis mores non sunt perspecti, non mediocrem habere debeat. Rem assero, quam experimentis certissimis verissimam esse didici: nam alioquin in animum inducere meum non potuissem, quæ ratione puellæ in agris sæpe domiq; sine testibus ab omni libidinis contagione remanerent puræ. Hac sola ratio me deberet monere, ut de solo vertendo non amplius cogitem. Non desunt exempla, quibus me verum scribere confirmare possũ. Sed cùm P. Petrus Vincentius se ad R. V. scripturum receperit, quæ Lectorem & delectare & ad omne

virtutem impellere possunt, hoc labore supersedebo, & duo tantum mihi certò cognita commemorabo. Inda, ætate florentis, pudicitia diu multumq; insidiabatur Indus, qui cum nihil promouisset, stricto pugione ipsi est mortem minatus, si non assentiretur. At illa secari & membratim se male diuidi respondit, quàm in Deum creatorẽ suũ peccare, atque clamorem maiorem edens, libidinose illum fugauit: qui insequenti nocte rediens, scelere nefario cum se tum castam virginẽ contaminare est conatus, sed eadem animi magnitudine, qua antea, virgo vasa, hominem impudicitia insimulã: Tu, inquit, neque Deum times neque Patres, verum propterea Dæmones manipatus, quo ipsius opera obscenis fruaris voluptatibus. Voce deinde grandiori ipsi insultans, castitatem suam sartam tectã conseruauit. Fuit & alia Inda, præ cæteris æqualibus, ornata virtutibus, quæ fuiset annua libidinis crimine notata, vehementer cætũ omnem Christianorum perturbauit, existimarunt siquidem omnes, ipsam in confessione scelus hoc reticuisse, ac propterea quoties Eucharistia Sacramentum accepisset, nouo se crimine obligasse: ut verò tanti flagitij meritas lueret pœnas, in domum hospitalem est detrusa, ubi impudica habebatur, quæ semper pudicitia coluit: patienter placidèque tulit omnia, cæterũ constanter



ter negabat ullum à se admissum scelus. Tandem Deo volente est factum, ut Indus, qui falsò putabatur fœminæ huius amasius, cæterique ipsius accusatores palinodiam canerent, quibus omnibus ipsa facile ignouit, adeò ut animaduersionem omnem, quæ tanto facinori debetur, planè condonarit. Mihi porrò interroganti, quo animo opprobriū hoc simul & pœnam, quam nulla sua culpa sustinere cogeatur, tulisset, respondit: Pater mi, cū memoria mecum ipsa repeterem calumnias & iniurias, quas Christus Dominus hominū causa pertulit: aduersæ res omnes non dolorem mihi attulere ullum, verū voluptatem, maximè cū non ignorarem me peccando longè his omnibus maiores esse promeritā pœnas. Alia præclara facta his, quæ nunc commemorauī, nō minora, propter breuitatis rationem silentio prætereunda iudicauī, ut ergo concludam, in dies mea erga Indos beneuolentia augetur, quam animi Christiani iucunditas comitatur. Et cū remissiores in munere mihi iniuncto me deprehendo, animum ad socios qui Parochiis præsunt conuerto, quos video tanquam legitimos Societatis filios strenuos, sic ut nullo labore pro Christi nomine suscepto defatigentur. Quare ipsorum exemplo me ipse colligēs, quo possum maximo conatu ad cæptum opus propagandæ pietatem me comparo. Per Deum immortale ro-

go R. V. ut mei filioli sui perpetuò meminerit, maxime quòd R. V. opera vsus sit Deus, ut me beneficiis afficeret magnis, quæ ut spero ad exitum usque augere non cessabit. Iuli, 9. Aprilis 1601.

Ante Hispanorum in Peru introitum extitisse olim in terris illis Christianæ religionis doctores dubitare non poterit, qui luculentum, quod ad eci Collegij Pacis anno 1589 ad Prouincialcm scriptum, diligenter legerit.

In Prouinciã Omasuyo missi socij multa præclarè fecerũt, maxime apud Indos, qui Charabucẽ vocantur, quæ ad Christi Domini honorẽ redundarunt. Rei bene gerendæ ansam dedit vicinarũ gentium concursus ad agendum diem festũ Crucis recenti illo tempore inuenta. Quia res est certa, testimonioq; R. Episcopi, qui interfuit & præsens vidit, diligenterq; omnia examinauit, quæ dũ Crux inueniretur, euenerunt confirmata. Nõ erit abs re Christiano leetori eam paucis explicare.

Narrant Indi natu grandes, se à maioribus suis accepisse, opinionem fuisse vetustam, multisque saculis continuatam, de hominis barbati, capillo nigro & lōgo, cum duodecim sociis in has oras per eam Paragavi partẽ, quæ Brasiliã attingit, ingressu: deque ipsius in peninsulam, quæ lacui adjacebat, à barbaris volentibus eum interimere fuga, qui non ampliùs ab incolis visus (nã penin-



sula mox non sine omnium admiratione facta est  
insula) ad gentem Carabuco cum discipulis per-  
uenit, ubi in urbis platea Crucem grandem fixit,  
quæ terrori magno fuit damori, qui statis tempo-  
ribus in hominis figura in omnium conspectum se  
dare consueuerat, adeò ut in Symposiis conuiuas  
ad omnia vitia impellere, & in primis ad poscen-  
dum maioribus poculis adhortari, ut hac ratione  
ebrij facti, nefandis contaminarent se sceleribus,  
non cessabat. Cùm Gubernator virique Principes  
regionis animaduertenterent demonem hunc, suum  
prodeundi in hominum conspectum longo satis  
tempore intermisisse morem, cum Necromanti-  
cis exposcunt, ipsis precipientes, ut quam  
esset causa tam diuturnæ absentia demonis ex-  
plicarent Caperunt hi ubinam esset demon in-  
uestigare, & mox ut sunt in patentes campos in-  
gressi, in ipsum furibundum incurrentes, legatio-  
nis suæ causam exposuerunt, exposcunt cum  
ipso, cùm Gubernatoris tum ciuium suorum om-  
nium verbis de longa eius absentia, quasi ab ipso  
fuissent deserti, cùm non in conspectum populi,  
prout antè consueuerat, se ampliùs daret. Quibus  
respondit, nō sibi deesse quas inuisat regiones, se-  
g. aliis in locis habuisse negotia, suamque con-  
suetudinem non tantum à terrarum illarum inco-  
lis expeti: & vos, inquit, non satis nostra coniun-

Etioni

Etioni amicitiaeq<sup>3</sup> satisfecistis. Cedo, quis vos docuit adorare lignum, quod in vestra platea est fixum: peregrinūque illum cum sociis, meis hostibus, beneuolētia prosequi? Respōderunt venefici, nos hoc tempore lignum illud non adoramus, illos verò à quibus fuit fixum non nouimus, illorūque doctrinam non amplectimur. Abite, inquit demon, & à me Gubernatori vestro renunciate, ut curet lignum illud deturbari, quo factō ad epulū populus omnis conueniat, cui & ego pristino more interero. Demonis ministri, quæ ab hero suo acceperant mandata, renunciarunt Gubernatori, qui iussit apparari conuiuium, & ad illud inuitari sancti viri discipulos, (quibus à præceptore suo, ad vicinas gentes propagandi Euangelij causa proficiscente, demandata fuerat Crucis custodia) qui se à Cruce recessuros præcisè negarunt; nam à præceptore suo in mandatis acceperant, ne vlla ratione Crucem desererent. Quod verò ad victum attinet, vnius opera satis esse poterat, qui pro omnibus à vicinitate stipem colligeret. Non propterea destitit Gubernator viros hos pios, quos in demonis potestatem redigere cogitabat, urgere, ut ad publicum venirent conuiuium, qui cū in suscepta sententia constantes persisterent, à Gubernatoris ministris iubente hero sunt necati, nō dubitantes pro Crucis defensione sanguinem fundere,



dere, quam incolæ magna alacritate & lætitiâ continuo disturbarent.

Opiparè postea paratum est conuiuium, cui cū dæmon interesset, nihil habuit antiquius, quàm ut Crux cōbureretur, quæ continuo à populo fuit reecta mole materia lignæ, ex qua factus est magnus ignis, circum quem conuiuia tam diu saltarunt, quoad struem omnem illam unā cum Cruce redactam in cineres putarent. At die insequenti reperta est Crux non minùs inuiolata, quàm cū disturbaretur. Quod videns dæmon, se irrideri existimauit, ac propterea eā securibus æneis (quarum tunc temporis apud gentem illam usus erat) secari voluit, sed nihil perfici potuit, immo secures, quibus viri robusti & valentes eam percusserant, frangebantur: Crux verò incorrupta permansit, quare dæmon ira inflammatus, curauit ubi antea erat fixa eam humo tegi, ubi multis sæculis sic durauit integra & solida, ut cū minima ipsius particula hoc tempore abscindatur, vel optimi cultri acies retundatur. His omnibus nō contentus dæmon, persuasit Indis ut virum sanctum interimerent, hi suo morigeri hero sanctum conquisierant, & reperiunt, ad agrū ab edificiis tria passuum millia distantem educentes, in crucē, quæ tribus magnis cōstabat saxis, agere constituerunt. Ceterum scelerati dæmonis ministri, ut paratio-

res essent ad edendum truculentum hoc scelus, animos relaxare suos voluerunt, & se dare incunditati. Conuenerunt ergo combibones aliquot, qui ebrij facti spatium viro sancto dederunt dissoluendi vincula, quibus astrictus erat, & ad lacū Chucchito euadendi, quem sine nauigio, pallio nimirum suo in aquam injecto, innixus transmisit. In quas verò terrarum oras abierit, hactenus sciri non potuit. Cum his quæ nunc narraui consentanea est siue fabula siue historia illa de Certo Tuncopa, quæ hæc gens tanquam virum olim sanctissimum colit, sua suæ enim demonis tentauit populus eum in saxeam illam, quæ hac memoria existat, crucem agere. His adicere licet rem certò cognitam, locus ille, & quæ ei paret vicinitas, est à fulmine liber, ex quo tempore in templo collocata est Crucis huius pars, cum tamen illa Pronincia fulminum iactibus non rarò, incolarum non exiguo incommodo, vexetur. Alteram verò Crucis partem translulit R. D. Episcopus ad templum Cathedrale Ciuchisaca, ubi in theca sumptuosa sub claustris posita, ne inscio R. ipsius auferatur portio aliqua, asseruatur. Inuentionis porrò Crucis huius origo nobis explicanda est. Inter se discordant gentes Nanansaia & Naranšaia, quarum Gubernatores cum se mutuò insectarentur conuitiis, Nanansianus inter alia aduersario dixit suo, saltem



*Salte maiores mei non occiderunt Hispanos illos, qui omnium primi ad nos venerunt, has regiones exploraturi, quod eos, ex quibus tu es progenitus, fecisse constat: cui hostis: Pudetne, inquit, te loqui, cum omnis tua familia veneficiis prorsus infamis, ab iis, qui Crucem obruerunt originem duxerit, &c. Postquam loci Parochus de hac alteratione, inter duos Gubernatores habita, certior factus fuisset, diligenter cepit omnia indagare, & tandem eius iussu ibi ceptum est fodi, ubi suspicio erat Crucem abditam iacere: inuenta est Crux integra & incorrupta: atque in templum, postquam populus honoris causa convenisset, delata. Parochus duos accepit clauos aeneos, quos ex his locis migrans secum abstulit. Caterum R. Episcopus, ubi ab Indo intellexit constantem fuisse apud priscos de tribus clavis famam, curauit denuo fodi, & inuentus est tertius clauus, quem R. ad templum Cathedrale portauit: cum vero iter faceret, ipsius cubicularius à magno stomachi dolore, huius clauu tactu, liberatus fuit. aqua in quam fuerit iniecta pars aliqua ligni Crucis epota, febribus aliisque morbis afflictos ilico sanat. Haetenus de historia inuentionis Crucis, quæ his in oris non parua habet venerationem.*

*Beneficia non vulgaria, quæ Deus in hanc gentem contulit, mihi uberrimam ad scribendum suppedi-*

peditant materiam, sed attingam recentia tantū  
 pauca & maximè illustria. Accepi à R. D. Epi-  
 scopo Chito, viro cū pietatis tum doct: in laude  
 florente, Indam, quæ morem suum confitendi pec-  
 cata sua apud Societatis Patres intermiserat, à  
 virtute ad vitia sic deflexisse, ut se omni turpitu-  
 dine fadare non dubitaret, admonitionibꝫque  
 tum sociorum tum aliorum Religiosorum cōtem-  
 ptis, in vitiorum sordibus aliquādiu iaceret: Hac  
 de improviso sic fuit graui oppressa morbo, ut tres  
 dies totidēque noctes sine omni sensuū usu tan-  
 quam mortua manserit. Postquam verò vis mor-  
 bi se remisisset ita ut astantes agnosceret, accer-  
 suit Sacerdotem Societatis I E S V, cui peccata  
 confessa est sua; huic narrauit, se tridui hoc spa-  
 tio, quo sensuum functionibus priuabatur, ab An-  
 gelo cuiusdē fuisse ad purgatorium locum ductam,  
 ubi medicum vidit, qui tempore illo, quo ipsa sine  
 sensu iacebat, e viuis exieſerat. A Purgatorio de-  
 duxit eā Angelus ad locum tenebricosum, odo-  
 ris intolerabili fœditate horribilem, in quo voces  
 & eiulationes præter modum lugubres audiebantur:  
 ex iis porrò Indis, qui inauditis cruciabātur  
 suppliciis aliquos sibi cognitos n̄ minabat, qui cū  
 in viuis essent, turpissimè flagitiosissimèque vi-  
 xerant. Ex Hispanis vidit ipsa cū viros tū fœ-  
 minas, ex quibus duas propriis nominibus signa-  
 bat.



bat, quæ obscæniùs vixerant, & Sacramentis non expiata è vita discesserant. Vidit præterea in perpetuis flammis cathedram vacuum, primam æ fœmina Hispanæ præparatam, in qua persolvende erant pœnæ, quas ipsa publicis suis sceleribus erat promerita. Ostendit illi præterea Angelus infima quædã loca, in quibus Religiosi aliqui Ecclesiastici improbi supplicia miserrima & crudelissima, maioraque iis quibus afficiebantur alij, perferre cogebantur. Tandem eam de vita impudicè acta obiurgavit, adhortatus ut mores mutaret, & peccata sua Societatis sacerdoti, quem nominabat, confiteretur. Hoc tempore piè viuit hæc fœmina, suoque exemplo alios ad virtutem allicit.

Est & alia Inda, quæ mihi in confessione errata sua aperire consueverat, hæc cū se videret ab impudico iuvene per vim pudicitia spoliata, suspēdio remediū quæsivit, & cū collū in laqueū inse-ruisset, S. Dei genitrix se in eius cōspectum dedit, verbisq; eā castigavit, quòd sibi vitā eripere cōstitisset, funiculū discidit, & de cōsciētia per penitētia Sacramētū perpurgāda monuit; quod & factū est opera P. Alphōsi de Barcena, qui funē, huius miraculi monumentū apud se, cū viueret, reseruauit. De bono hoc Patre Barcena, qui Cuçco mortē obiit die 1. anni 1598, pauca ex multis, quæ in admirandis numerari meritò possunt, commemora-

bo. Adfuerat ultimo Inga vero & legitimo Domino totius Perum morienti, quem cum satis in Christiana religione instruxisset, baptismi Sacramento initiauit, & Don Carolū nominauit: Notis omnibus è lecto surgere consueuerat, quo liberius Deum oraret, quo tempore demon ipsum ex conclaui extrahens, affligere nō intermittebat; at patienti animo 12. cōtinuos annos, omnes quas ei communis hominum hostis intulit molestias, pertulit. In Regno Tacuman, magno sanè labore, propter incredibilem hominum tarditatem, (sunt enim Regni huius incolæ hebetiore ingenio) ad hominum ampliùs sex millia, quæ Christianus scire debet, diligenter docuit, suâque manu baptizauit. De animi ipsius demissione, satis erit rem unam attingere, quam ipse certo Patri, cui multum fidebat, narraße scitur. Cum secum ipse rationes perpenderet, quibus certam gentem planè hebetem rerumque omnium propè rudem & ignarā, ad Euangelij lucem ex ignorantia tenebris traduceret, demon in figura horribili & pertimescenda ei apparuit, cui cum pater obuiam profectus dixit: Sede in hac mea sedecula, tua siquidē dignitas postulat, ut ea tibi cedam: At superbie Princeps, tantā animi demissionē nō ferens, postquam terribilem profudisset clamorem, ex oculis illico euauit. Cōsueuerat semper interdum secum

por-



portare Christi Domini infantis imaginem eminentem, & nocturno tempore prope caput suū eandem collocare, obliuione est factum, ut imago ad caput Patris graui morbo, quo est exstinctus, oppressi non collocaretur, cupiebat hoc officiū à curatore agrorum præstari, at is Patrem loquentem non audiuit: Caterum imago clara voce se adesse dixit, quæ & ibi reperta est, ubi eam Pater collocare consueuerat.

In urbe Lima erat vir, vulgi testimonio, insigni prædius sanctimonia vitæ, & in doctrinarū studiis oraculum, hunc in familiari, quem cum ipso habuit, sermone P. Barcena præmonuit, si opiniones non remitteret suas, moresque non mutaret, fore ut viuus combureretur: verum fuit Patris vaticinium, nam obstinato animo tanquam hæsiarcha in flammis animā efflauit. Vt summatim dicam, donis verè Apostolicis à Deo patrē hunc fuisse cumulatum scimus, nam tanto ardore animi flagrabat propaganda Christiana Religio-  
nis, ut nulli opera pepercerit; sex linguas exterarum nationum didicerat, quibus utebatur, cum ad gentes varias inanibus superstitionibus contaminatas de fidei Christianæ dogmatibus verba faceret. Totos tres & viginti annos, quos magno cum fructu in excolenda Peruana vinea insumpsit, nulla eum molestia à suscepto labore amplifican-  
di

di Christi Ecclesiam deterrere potuit. Orandus est Deus, ut nobis suppeditet ea ad recte viuendū adiumenta, quibus fulti æternam beatitudinem, qua ipse nunc, ut speramus, fruitur, tandem consequamur.

In vrbe Guili Saga infamis, consuetudine Indæ fidelis ad Christiana suscipienda sacra induta, narrauit Societatis Patri, cui solebat peccata sua confiteri, se in agris cum esset, magnam demonum figurā horribilium multitudinem conspexisse, à quibus urgebatur, ut ad intermissa veneficia rediret, quod si faceret, eam fore opulentā, honoratam, nulliusque imperio subiectam prolixè pollecebantur. At cum ipsa timore adeò fuisset stupida, ut vocem mittere non potuerit, duos conspexit iuuenes egregia forma, qui demones omnes in fugam se dare coegerunt: Hac nihilominus postea à scelesto venefico leniro suo persuasa, ad impiam faciendi maleficia consuetudinem rediit, quam totos viginti annos cum tenuisset, tandem hac quam describam ratione deseruit: Cum sola in templo tempore matutino esset, vidit matronā vultu adeò venusto, ut nihil supra, totiusque corporis lineamentis pulcherrimam: que ipsam est cohortata, ut se abstineret nefaria illa occupatione, cuius demon auctor erat, in gratiāque cum Deo rerum omnium procreatore rediret, effectu-



ramque se promissit, ut admissis sceleribus veniam impetraret, paruit Saga saluari huic consilio, & nunc in vita, quam ad pietatem instituit, ab illa In da cuius opera Euangelij lucem aspexerat, adiuta, constans Dei beneficio persistit.

Inter multa, quae in urbe Iuli acciderunt, duo de legi, quae anno 1598. contigerunt, iustitiae & misericordiae divinae illustra testimonia hoc loco strictim commemoranda. Adolescens Peruanus nobili loco natus, Cariche fratris filius, dum viveret patruus, apud nos peccata sua poenitentiae Sacramento expiabat, probisque & bonis putabatur esse moribus. Mortuo vero patruo (cui non modo in fortunis successit, verum & commendatione Patrum Societatis à Prorege magistratum, quem ille obtinuerat, est consecutus) liberiùs quàm disciplina Christiana permittit vivere, vitii scilicet & sceleribus se contaminare coepit; nam populum cui praeerat, omni crudelitate vexavit, durissimamque servitute oppressit, & ne suo tempore à Prouincia Gubernatoribus factorum rationem cogeretur reddere, eos partim muneribus partimque promissis sibi beneuolos fecerat. Patres, his de rebus certiores facti, hominem monuerunt, ut infamiam fugeret, & ad virtutis, quam deseruerat, viam rediret; quae omnia praestiterunt religiosa cum modestia, & ea, quae in veritatis doctore requiritur, effica-

efficacitate, sed frustra, immo difficile est dictu  
 quanto in odio apud eum fuit Societas, quam vr-  
 be Guili depellere est conatus: sed cum rē hanc ex  
 animi sui sententia non succedere animaduertit,  
 nos conuitiis voluit consecrari, ut famam existi-  
 mationemque, quam de nobis habebat populus, a-  
 mitteremus. Sed aliter atque ipse voluit euenit,  
 nam exstitit vir honoratus Societatis amantis-  
 simus, cuius magna est apud ciues Guili auctori-  
 tas, qui hominis audaciam sic compressit, ut corā  
 iudice eum ad palinodiam adegerit. Paucis post  
 diebus missus est Potosi, ut Indis praesset, qui ex  
 terra cauernis argentum eruebant; at cum se per-  
 ditē gereret, à ministris Regis in carcerē est mis-  
 sus, ex quo opera P. Rectoris Collegij Potosi post-  
 quam se relaxauit, ad intermissa flagitia rediit,  
 cum animi causa inambularet, de repente in ter-  
 ram corruit, vocemque propè amisit hominumque  
 notitiam: deductus est domum à famulo, qui in  
 ianua vidit adolescentem veste candida amictū,  
 immo non solum in ianua, sed in toto hoc itinere,  
 à loco in quo miser ille decedit, domum vsque eū  
 per pauculis passibus praecuntem cōspexit. Homi-  
 nis cognati, cum animaduverterent eum periculo-  
 se agrotare, accerserunt Sacerdotem Societatis,  
 quē ager neque audire neque videre voluit. Post  
 biduum narrauit domesticis, se adfuisse infinite



hominum multitudini, de quibus iudicium fecerat Deus, cetera verò quæ de iudicio diuino obseruauit, nefas sibi esse apertè palàmque dicere. Ex hoc ipsius sermone arripuerunt occasionem amici ipsum adhortandi, ut peccatorum suorum maculas pœnitentiæ Sacramento deleret, quibus ille respondit, nolite mihi de confessione loqui. nā conscientiam deprehendo meam grauissimo peccatorū oncre vehementer premi. Post quatuor & decem dies quàm hæc contigerunt cū se morbo nō nihil releuari sensisset, pro beneficio nullis Deo actis gratis, cū intimis suis amicis opiparè voluit epulari, quare splendidū fecit conuiuium, sed suo magno damno, mox enim ac vini poculum ut biberet in manus acceperat, in terram à mensa sic corruit, ut sensuū omnium officio priuaretur. Vbi verò animum recepisset, cū domestici tum qui aderant conuiuæ summo cum studio hominē urgebant, ut peccata sua (quod totum quadriennium non fecerat) Sacerdoti confiteretur; at se inexorabilem præbens: Iam, inquit, non ampliùs est tempus idoneum ut vestris monitis obtemperem, parantur namque mihi acerrima tormenta, his dictis totis tribus, qui insecuti sunt, diebus ingemiscere non cessauit; primo verò die lamentabilis hæc ipsius vox erupit, in mediis flammis ardeo, altero verò, ô me miserum, qui in lacu gelido consisto,

bi non minùs frigore excrucior, quàm si igne comburerer. Tertio autem, cùm ad eos, qui presentes aderant, se conuertissat; Amici, inquit, Nunquid videtis Rectorem Collegij Giuli flagello, quod manutinet, me atrociter verberantem. Post hoc triduum redierunt Patres, ut omni conatu misero homini, cuius salus in magno versabatur periculo, opem ferrent; at is Crucem cùm primum vidit, consputare capit: Postquam abiussent Patres, hominem planè desperatum relinquentes. Video, inquit ipse, in porta illa aurea, matronam decora supra modum forma, loquentem cū puerulo gratiosissimo, luce clarissima undique circumdato. Ex hac ipsius oratione arripuerunt occasionē qui aderant hunc in modum cum eo loquendi; Hec quam oculis cernis, Dei est mater, te totum eius amoris fideique cōmenda, ipsam venerare, animòque dimisso & supplicibus verbis roga, ut tibi à Christo Domino filio suo delictorum veniā impetret, teq; ad omnia, quæ tibi dederit exhaurienda mandata, paratum magno animo offero. Respondit ager abiisse tempus huic rei opportunū, & mox: Adeste amici, inquit, mei, & hinc mōstrosissimas has bestias expellite, quibus dictis mors miserrimum hominem continuò occupavit, mortui vultum, qui aderant, reformidabant, tanta erat ipsius deformitas frequēnsque & horribilis mutatio, im-



mo & cadauer paratum ut in sepulchrum inferretur, magno impetu se ex feretro propè eiecit.

Haëtenus exposui, quàm sit hominis, qui sua pertinacia de peccatis admissis dolere recusat, misera mors; nunc verò fortunatum adolescentis Indi, sex & decē annos nati cui nomen fuit Franciscus, vultu & moribus planè Angelicis, è vita discessum explicabo. Hic ferme moriens, Sacramento Eucharistia contra omnes demonis impias machinationes egregiè muni us, & ritu Christiano unctus, cum magna vultus animique tranquillitate mortem ipsam expectabat: quo tempore tres ipsius sorores, ipso maiores natu, quæ decumbenti assidebant, in conclaue ingredientem conspiciebant virum, sacerdotis ex Societate, cui ipsæ confiteri solebant, planè & ore & amictu similem, comitatum duobus Angelis, qui vultuum vestiūque splendore locum illum illustrabant, ab eisdem sororibus audiuit cantus cum vocū tum instrumentorum cœlestiū; quo tempore, qui Societatis more erat vestitus, agro dixit: Gaude fili, mox profici sceris ad sempiternam quietem, ubi à celitibus expectaris. His dictis creuit harmonia, & B. virgo in solio aureo sedens, comparuit manibus iunctis, capillōque passo, quam comitabantur duo illi Angeli antea visi, & alij complures, cantorum Indorum, qui in templo nostro

canere consueverant, similes. His omnibus peractis cœpit ager cum Christo Domino magna cum voluptate ex animo colloqui: die proximè insequenti, qui erat sabbati, sorori natu maxima, quæ tunc agro aderat, vir ipsi antea incognitus, filia inquit, tuus frater mox è viuis discedet, & Angeli duo descenderunt, qui ipsum per scalas illas (quas ostendit ex cubiculo ad cœlum vsque pertingentes) in paradysum ducant. Respondit optima adolens: Fiat voluntas Domini. Proximo die luna cōparuit secundò sanctissima Dei genitrix, agròque dixit: Fili, non paucis diebus te grauitè afflixit morbus, at bono eslo animo, nam exiguo post tempore erimus vnà in cœlis, ad feriã quartam te expecto, feria porrò tertia cœpit ager audientibus sororibus dicere, apage hinc venefice infamis, nam ego sum sanctissimis Sacramentis armatus, & mox adiecit, I E S V succurre mihi: sorori natu grandiori querenti quid vidisset, respondit veneficum monstruosissimum, eumque sigillatim depinxit, ex quo tempore pius adolescens non cessauit inuocare Dominum I E S V M, quoad animam creatori suo redderet, quod factum est feria quarta in meridie, quemadmodem prädixerat sanctissima Dei genitrix.

Huius adolescentis soror Francisca nomine, optime morata, cum fratris sui, quicum à pueritia



fuerat educata, iucundissima se consuetudine or-  
 batam sensisset, magno in mœrore (quem auxit  
 recens utriusque parentis mors) versari cepit;  
 quare Deum suppliciter orauit, ne deserta omni-  
 q<sup>3</sup>, subsidio destituta remaneret; timebat equidem  
 ne virginitatem, quam vouerat, seruare non pos-  
 set; inter orandum dormire cepit, & in somnis  
 apparuit ei frater ante biduum mortuus, qui eam  
 his est consolatus verbis. Soror, tuus sponsus I E-  
 S V S Christus me huc misit, ut te inuiserem, ti-  
 bi que renunciarem, se tuas audiuisse preces, quare  
 te ipsa consolare, & ad alteram vitam, quam pro-  
 pediem unâ tecum viues, te prepara. Tertio  
 postquam hæc contigerunt die, cecidit virgo in  
 morbum grauem medico planè incognitum, quam  
 insequenti nocte inuisit Christus Dominus, his  
 verbis eam compellans, Filia veni, ut te mea fa-  
 ciam gloriæ & beatitudinis porticipem; quod vir-  
 go audiens, magno cum gaudio se ad Dominum  
 conuertit, eum obnixè per vulnera & sanguinem  
 sacrosanctum, quem fuderat, rogans, ut in se hoc  
 beneficium maximum conferre dignaretur. Re-  
 spondit Dominus, ita erit ut tu cupis, & nunc An-  
 geli ad fores expectant, ut te in cælum abeuntē  
 comitentur. His auditis exiliyt adolescens ex le-  
 cto, & versus cubiculi ianuam cucurrit, quod a-  
 nimaduertentes ipsius sorores, quæ in eodem con-  
 clauis

clauitunc temporis excubabant, ad lectum red-  
 xerunt, admiratione obstupefaeta propter ea,  
 quæ agra narrabat. Illucescente die, illam inuist  
 P. Petrus Vincentius Italus, prepositus domicilij  
 Societatis, quod est Giuii, cui virgo ipsa rem om-  
 nem narrauit; & Patri percunctanti quādo se  
 morituram existimaret, (eorum qui aderant iu-  
 dicio tres horas in vita manere non poterat) re-  
 spondit die crastino tali hora; cæpit dextra manu  
 Crucis signum formare, & sinistra manus digitis  
 compressis, pugnòque facto quasi hostem abige-  
 re, quem his verbis affata est; Quid est tibi hu-  
 mani generis hostis tecum negotij? fuge hinc: &  
 mox ad sorores vultu sereno, Auditisne, inquit,  
 suauissimam hanc harmoniam? his dictis, cū so-  
 rores tum omnes qui aderant ad orandum se cō-  
 posuerunt, cum ecce socij duo opportunè adueni-  
 rent, qui ipsius extremum vitæ spiritum accipe-  
 rent, migravit ergo in cælum quinto & decimo  
 à morte fratris die, eadem qua ipse diei hora.

Ab instituto meo alienum non est, paucis ex-  
 plicare duo, quæ contigerunt eodem anno 1598,  
 quo illa, quæ iam narraui, quo melius intelligamus  
 Deum esse cū Iudicem tum Patrem, feruentius-  
 q; in ipsius amorem & timorem incendamur, sci-  
 tum namque est periculū ex alijs facere, tibi quod  
 ex vso fiet.



Cum in urbe Cuzco esset Pustularum morbus, cuius supra memini, Societatis sacerdos occasione arripuit monendi Indum, qui longo tempore vitiosam & flagitiosam multorum cum offensione vixerat vitam, & inter alia: Caue, inquit, ne hac sit ultima mea ad te de vita mutanda cohortatio. Respondit is sermone ficto. simulans se de admisis sceleribus dolere, Pater, confiteri volo, quare à meipse antea actæ vitæ rationem hodie expetā, & die crastino R.V. adibo: At ab inueterata malitia cum animum occupatum haberet, fidem non seruauit, cum autem ante ipsius fores duo armis decertarent, ipseque se interponeret, plagam secundum aurem accepit mortiferam, ad id ut spatium confitendi peccata sua non habuerit.

In territorio eiusdem urbis, Inda Christianis sacris initiata, cunctis dominicis & festis, quæ Ecclesia præcepto coluntur, diebus, in solitudine adorandi idoli causa discedebat, cui & victimas matrabat, & postea cū Christianis sacrosancto misse Sacrificio intererat. Contigit hanc die dominico tardius ex solitudine domum redire, quare à Procureto Regio, cui incumbit omnes, qui serius ad rem diuinam veniunt, ad templum deducere, monita ut ad templum se conferret, festinanter parere debuit. Verum cum in templo, coram sanctissimo Sacramento consistens, animaduerteteret  
manus

manus suas animalium, quæ recens idolo immola-  
 verat, sanguine adhuc fædatis erubuit, & dein-  
 cept se tam infario scelere abstinere constituit, at-  
 que à Deo peccatorum, ad illud usque tempus ad-  
 missorum, supplex veniam petijt. Noctu in ipsius  
 se dedit conspectum puerulus pulcherrimus splē-  
 dore circūspicius, qui cultu severo ac tristi ipsam  
 perfidiæ & proditiōis in Deum creatorem suum  
 arguebat; maximè cū ipsa, Christianis sacris ini-  
 tiata, non ignoraret quæ supplicia essent in ipsos  
 constituta, qui diuinos honores uni debitos Deo  
 rebus caducis habere non verentur. Maximum  
 cepit misera fæmina ex hac pueri infantis oratio-  
 ne dolorem; ad ipsius ergo pedes postquam sup-  
 plex, lachrymarū vim profundens, se abiēcisset,  
 implorare & exposcere eius misericordiam ma-  
 gno cæpit animo; puer verò postquā apparuisset  
 Crux aurea summopere fugiens, eam monuit, ut si  
 salua esse vellet, Crucem illam veneraretur. Ac-  
 currit ipsa, ut monitori suo morem gereret, sed  
 Crux ex oculis evanuit, & ipsa alterius generis  
 magnique pretij se Cruci affixā sensit; lepra enim  
 sic ipsius cū vultum tum manus occupauit, ut  
 omnes ipsius consuetudinem perhorrescerent, ipsa  
 porrò patienter placideq; immo magno cum gau-  
 dio, magnum hoc malum pertulit, & ubi socios  
 duos in Patriā venisse suā intellexit, nō sine animi  
 dolo-



dolore, quem vberes lachrymæ testabatur, peccata sua pœnitentiæ Sacramento expiauit.

Quanto porrò in honore apud Indos sit sanctissima Dei genitrix, quod subjeci factum sanè præclarum docebit Christianos Europæos, apud quos paucos reperies qui illud imitentur.

Indus ciuitatis Chito scriba, uxorem suam in adulterio deprehensam, iudicio non antea persequi destitit, quàm ipsa capitis condemnaretur, socij porrò etiam amicorum vti sunt opera, ut maritus coniugi suæ hoc crimen condonaret; quod ille facturum se constanter negauit. Cum Carnifex paratus esset ad abscindendum miseræ mulierculæ cervicibus caput, maritus qui spectaculo aderat, scriptum ei legendum dedit, cuius summa erat, se hac lege uxori suæ ignoscere, ut ipsa se Dei genitrici in seruitutem perpetuam daret apud S. Martham, (locus est in quem se recipiant fœminæ, quæ eiusmodi se contaminarunt scelere). Et ut ab omnibus sciretur, eam Reginæ cœli in seruitutem esse datam, candente ferro notam eius corpori imprimi voluit.

Vt finem narrationis meæ faciam, in certa Peruana vrbe extitit vir meretricis amoribus longo tempore captus, totos equidem viginti annos concubinam legitimæ uxoris loco habuerat, à qua nullis Patrum siue cohortationibus siue reprehensionibus.

sionibus auelli potuit, immo neque aliorum qui  
 propter simile scelus ultricem Dei manum sunt  
 experti, illustria exempla, hominem libidinis sor-  
 didus immersum, ad bonam frugem reuocare po-  
 tuerunt: hic cum ad amicam proficisceretur, repen-  
 tina morte perijt: Ciuitas omnis, cui impura ho-  
 minis vita erat perspecta, propter hoc inopina-  
 tum miseri hominis malum est perturbatione  
 commota; quo tempore socius, qui in platea con-  
 cionem ad populum habebat, ut auditores à vitiis  
 abstraheret, inter alia quæ attulit exempla do-  
 mesticum illud, quod tunc recens erat, proposuit.  
 Postquam dicendi finem fecit concionator, acce-  
 ssit certus doctor mortui cognatus, qui verborum  
 acerbitate eum iniuriosius accepit, presentibus a-  
 micis, quos secum adduxerat, obiurgauit, quòd fa-  
 ctum tenebris occultandum pro concione expli-  
 casset. Modeste admodum & cum pace respondit  
 Pater, si erratum esset rem notam atque apud ci-  
 ues omnes peruulgatam populo narrare, se Deo  
 huius facti rationem redditurum. Nò multo post  
 hoc tempus, idem doctor, qui simul cum uxore sua  
 duas alebat pellices, quarum una maritum habe-  
 bat, in mortiferum incidit morbum, & cum de  
 vita conseruanda spem nullam videret, sacerdotē,  
 cui peccata sua confiteri consueuerat, rogauit, ut  
 suis verbis à Patre veniam iniuria, quam ipsi fe-  
 cerat,



cerat, impetraret: nam res, inquit, est laude digna, hominum scelera omnibus nota exagitare palam; eos verò qui aderant est cohortatus, ut sibi à libidine temperaret, in qua ipse iusto Dei iudicio extremum vite spiritum edidit: nam infelix è vita discessit, concubinis ad pulvinum astantibus, cum, ut de hoc scelere doleret, animum inducere non potuerit. Suppetunt eijsmodi exempla & antiqua & noua, quæ luculenter paternam Dei immortalis erga Peruanos beneuolentiam testantur, quos ipse in terris vult esse humiles & demissos, cum permittat ab omnibus etiam à pastoribus suis asperius tractari, ut in cælis ad æternam beatitudinem cū primis illis Christi cultoribus, quos hominum furor insectabatur, tandè magna ipsorum voluptate extollat.

Ex omnibus, quæ hæcenus commemoravi, collegi pauca, quæ cum Christiano Lectori communicanda iudicavi; quo magno animo qui studio propagandi Religionem Christianam tenentur, Peruanis, variis modis afflictis & propè neglectis, opitulentur: Primo ergo loco perspicimus copiosam & maturam esse hanc Peruanam messem; Deinde Peruanos, ab omnibus quasi contemptos, maximis ærumnis miserisq; opprimi; Ad hæc certum & stabilem esse operariis propositum laborum suorum fructum, de quo inaniter gloriandi occasio

si erit nulla, cum suscepta hac cura docendi Peruanos in speciem praeclara non existimetur. Quarto loco, ignorare non possumus, quin uberiores et praestantiores edituri sunt Peruani fructus, si complures mittantur operarii, à quibus in Religione Christiana excolantur: magisque illustrabitur apud ipsos sempiterni Numinis maiestas, quae re nihil homini Christiano antiquius esse debet. Ad extremum, rem Deo facturi sunt gratissimam, qui ipsius causa neglectis omnibus, quibus in Europa fruuntur commodis, iter hoc Peruanum suscipiunt, ut incolarum saluti opem ferant: quod si commoda, quae deferuntur, solatiis, quae seruis suis Peruanum agrum colentibus dat Deus, meriti quispiam velit, illa praehis in emissiis merito numeranda iudicabit.

In Peruana Prouincia sacerdotes ex Societate non sunt amplius centum duodecim, ex quibus aliqui senio sunt confecti, alij in ualitudine conficiantur. Collegia habent socij in urbibus Lima, Cuzco, Arechipa, Chito, Chiucchiaia, Chiuchisacha, Potosi, et Chila. Domicilia uero, quae residentiae uocantur, in urbibus Iuli, et S. Iacobi. Sum et socij in Tucuman et S. Cruce, qui quatuor incolunt domicilia, bona ite R. P. N. Generalis uoluntate, duo habemus domicilia in Cartagena, et in nouo regno Granatensi; Tyronum Societatis Collegium est



est in vrbe Lima, simul & seminarium S. Martini, in Chito verò est S. Ludouici seminarium: Et de Collegijs domiciliisque Societatis apud Peruanos hætenus. Agitur de instituendis Collegijs in nouo regno, cuius incole inter Peruanos omnium primi Euangelij quidem lucem aspexerunt; cæterum apud eos hoc tempore viget idolorum cultus, nam Patres duo abhinc biennium in hoc regnum penetrarant, (qui propter linguæ ignorantiam interpretum opere sunt vsi) amplius duodecim idolorum millia breui temporis spatio deprehenderunt: Huius tanti mali causa nō fuit alia, quàm quòd primi ipsorum doctores vernaculam incolarum linguam ignorarint. Immensa itaque hæc & inculta silua Societatis labori reservata videtur. Cùm ergo apud Peruanos & novos Granatenses sic neglecta iaceat res Christiana, ut omnes qui in Italia sunt operarij eā restituere non valeant, quantam existimabimus necessariam proborum hominum multitudinem, ut gentes innumera, quæ Christo Domino nomina hætenus non dederunt, cervicibus imponi suis Euangelicæ legis suaue iugum permittant? Qui ad populum de Religionis Christianæ mysteriis verba facere consueverunt, sibi dictum existiment, quod apud Isaiam cap. 18. est scriptum, Ite Angeli veloces ad gentem conuulsam & dilaceratam; Ange-

Angelorum nomine intelliguntur Religiosi om-  
 nes, & in primis, qui in Societate viuunt, à qui-  
 bus instituti ratio, quam inierunt, postulat, ut in  
 terris vitam cœlitum agant, puri namque ab omni  
 vitiorum labe esse debent, & studio alienæ salutis  
 sic inflammari, ut ad Angelorum imitationem, a-  
 liis prælucentes, omnibus qui Christiana suscipere  
 volunt sacra duces ad pietatem, defensoresque cō-  
 trahostium, qui tātum hominum commodum re-  
 tardare conantur, insultus, se strenuos præbeant.  
 Sunt Angeli, hoc est nuncij, principale enim so-  
 ciorum munus, præ cæteris, in quibus se exercent  
 non exiguo aliorum bono, rebus, maximi momen-  
 ti & ponderis est, Legati propagandæ Religionis  
 causa personam partesque pro dignitate sustinere;  
 quare omnes pro virili cōtendere debent, illum i-  
 mitari, cuius præclara fuit oratio: Ecce ego, mitte  
 me. Veloces ut sint, institutum postulat, quod nul-  
 lis certis terrarū oris ipsorum studiū indufiriāq;  
 in disseminando Dei verbo terminauit: nam ad  
 ultimas terras cū præcipiunt, qui Societatis gu-  
 bernacula tenent, sine cunctatione est proficiscē-  
 dum: Sed ad quas gentes mittitur legatio? non ad  
 Monarchas, Reges, Principes, viros in dignitate  
 constitutos, in studiis humanitatis ac literarum  
 versatos, prudentiæ laude claros, copiosos ac locu-  
 pletes, ad quos lubens animo cōplures legari cu-  
 perent,



perent, sed ad gentem conuulsam & dilaceratam, ad gentem expectatam & conculcatam, cuiusmodi est Peruana natio, quæ focus patriis exturbata in metallorum venis exulare cogitur, magna cum vitæ tum fortunarum iactura, inque perpetuis servitutibus non secus ac vilia mancipia perpetuò vivere, quæq; gravissimè, non modò ab exteris nationibus, verùm (quod mortales homines ad misericordiam ipsi imponendam allicere debet) à propriis vernis affligitur: gens hæc nihilominus gravissimo animo Societatis nomē prosequitur, verbiq; Dei sementem non minùs expetit, quàm terra sicca imbrem & mancipium libertatem. Verùm enimvero, qui rem Christianã apud Peruanos afflictis fractiq; animi homines, & ad virtutem propensos, ex animo agit, segetem atque materiã propè immensam virtutum Christianarum reperiet; nulla se offert propter susceptos labores ansa desiderandi fugientem illam, pro qua mortales tanto pere decertant, gloriã; cuius studio viri alioquin magni plerumq; trahuntur. Plurima porrò sunt, quæ Christianum doctorem meritò moueant, ut demisse & humiliter de se loquatur & sentiat, solumq; Deum laborum periculorumq; suorum mercedem expetat. Ad hæc, præclara est illa Christi Domini oratio: Sinite parvulos venire ad me, talium est enim regnum cælorum. Ex interpretibus  
 aliqui

aliqui hæc verba sic explanant, ut paruulorū nomine nouitios Christianos intelligāt. Deinde Dominus postquam docuisset extremum esse diligendum locum, mox adiecit. Cū facis prandium aut cœnam, noli vocare amicos, neque fratris tuos, neque cognatos, neque vicinos diuites, ne fortè te & ipsi reuoluant. & fiat tibi retributio, quod iis cōtingere solet, qui laudis auidi se apud viros honoratos & doctos in concionibus exercent. Cū facis conuiuium, voca pauperes, debiles, claudos, cæcos, & beatus eris, quia non habent retribuere tibi, retribuetur enim tibi in retributione iustorum. Nescio planè an vlla sit natio sic afflictæ, egestatēq; oppressa ac miserabilis, ut est Peruana: Clauda enim est in via, qua ad cælum itur: Cæca, quia in ignorantia tenebris immersa. Ab ea nullæ sunt expectanda diuitiæ, quia in summa mendicitate vivit; nullumq; oblectamentum, cū sit planè despecta, linguæque & moribus agrestis & barbara. Cæterum hoc perspicuum est, constatque inter omnes, maximam à Deo inter cæliues iis proponi mercedem, qui nullo terreno commodo inducti, nullæque voluptate impulsī, animum ad arduum præclarūque hoc negotium excolendi Peruanā vineam appulerunt. Romæ 25. Febr. Anno 1603.

Dieghus de Torres.

G 2


Hæ



## APPROBATIO

Hæ res gestæ, & miracula Peruana, à R. Patre Diegho de Torres Societatis I E S V presbytero conscripta, & à R. Patre Ioanne Hayo Dalgattiensi Scoto eiusdem Societatis ex Italico in Latinum conuersa, sunt admodum pia, & cum fructu instructionis multorum vberissimo typis iure mandantur. Quod testor 16. Martij, anno 1604.

*Egbertus Spitholdius S. T. L. Canonicus,  
& Plebanus Antuerpiensis.*















SPECIAL

85-B

1772

THE J. PAUL GETTY CENTER  
LIBRARY



